

罪
惟
錄



罪惟錄帝紀卷之六

英宗睿皇帝

英宗法天立道仁明誠敬昭文憲武至德廣孝睿皇帝名
祁鎮宮人子孝恭孫皇后以為子帝幼冲詔朝廷大政白
太后行太后命宮中一切玩好之物不急之務悉皆屏去
事惟閣下議決每數日遣中官就問間以揭報無壅累上
師吏部尚書養義卒贈太師謚忠定上大行皇帝葬議葬
皇太后張氏為太皇太后封皇弟沂鉅為邸王
尚書兼翰林學士楊溥仍入內閣釋前監祭御史葉宗
懋林知州林長懋於獄先是祚父母皆死於獄葉森祚請

歸殯終喪許之。進士李賢上書言京師轉官不下萬餘。五
胡之亂。可為遠鑒。乞為萬世計。勅兵部設法漸次出之。於
外。消患於未萌。不報。學士士奇等請早開經筵。以進聖學。
慎選左右侍御。防其頗惑。太皇太后報可。

夏五月。以王驥為兵部尚書。六月。募大行皇帝於景陵。
秋九月。脩宣宗實錄。虜阿台朶兒只伯寇井涼。以陳鑑為
右副都御史。出督延綏邊備。擢兵部郎中徐晞為兵部右
侍郎。巡撫井肅。晞出身吏胥。為治寬仁。故有是命。司禮
太監王振偕文武大臣閱武將臺。振侍東宮。得寵自此。始
以黃宗載為南京吏部尚書。

冬十月以羅亨信為僉都御史練兵平涼

正統元年丙辰春正月開經筵初經筵講官率選翰林以太皇后內批劉球以部屬入奏講職三月蝗災言官論大臣不能盡職久妨賢路大臣咸請罷職以謝天譴獨吏部尚書郭繼謂主上純冲豈宜輕去有負先帝付託祇宜戴罪愆省舉朝以為然以巡撫周忱言減蘄州府秋糧八千萬石嘉湖及松江減有差始設提督學較官兩京以監察御史各省以副使僉事奉專勅優免先聖子孫徭役召應天府尹廊野為兵部左侍郎野受家教嚴勵清操初副按察陝西有聲

秋七月、徙封襄王瞻塏於襄陽、淮王瞻塏於饒州。

冬十月、車駕閱武於將臺、騎射以三矢為率、惟駙馬都尉并源三發皆的、撤上尊賜之、觀者相謂曰、徃王太監閱武紀廣驟陞三級、今萬乘登臺、獨一杯酒乎、竟無殊擢、十一月、命兵部尚書黃驥巡邊。

正統二年丁巳春正月、太皇太后御便殿、召大臣英國輔、學士士奇、榮、溥、尚書浚、入朝、顧謂帝曰、此五臣先朝簡任、事不聞五臣不行、微聞太監振導誘上、召入正色欲誅之、帝為之請、諸臣亦繼請得免、以宋儒胡安國、蔡沉、真德秀、從祀孔子廟廷、尚書驥至邊、斬有罪都指揮安敬、三軍悅。

栗、鹵犯莊浪，敗走之，俘獲甚多。定井州，留守更休法。兵得
即息，民咸轉輸之勞。

夏五月，左都御史顧佐致仕。佐性嚴重，守正疾邪，有不便
者輒摘之去。六月，京師旱，時小兒為土龍禱雨，歌於塗曰：
雨。帝。雨。帝。城。隍。土。地。雨。若。再。來。還。我。土。地。

秋九月，鹵復犯邊，再勅尚書驛備禦，其肅敗鹵於塞外。阿
台朶兒只伯走死。召温州知府何文淵為刑部右侍郎，勅
方面郡守有缺，照舊在京三品以上官保舉，不得人，并
坐。進贊理陝西軍務侍郎柴本俸從二品，本盡心邊務，尤
嚴詐飾。時岷州土官都指揮后能坐冒功，朝議宥之，本曰：

罪州錄 卷之六
三
省能何以獎捐軀報國者。必不奪。

正統三年戊午春。淮揚災。鹽課虧少。巡撫忱以此時米貴。鹽賤。奏令蘄州等府。將撥剩餘米。量應鹽場聚鹽。官得貸。鹽積聚。民得食糧安生。上下賴之。學士士奇等議。清軍補。伍。須從南北所宜。兵部侍郎鄺野不果行。御史魯宗以事。降汜水縣典史。蓋懋所職。人懷思之。

秋八月。順天鄉試。場屋火。詔更試。

冬十月。論井肅遠功。王驥以尚書兼大理寺卿。二倖並支。柴本陞兵部尚書。仍釐理陝西軍務。都御史羅亨信加俸一級。封都督蔣貴定西伯。任禮寧遠伯。趙安會川伯。

正統四年己未春三月、學士士奇乞致仕、不許。許省墓、敦
促還京、遂巡按御史陳祚下詔獄、祚按湖廣、益持風紀。上
言、遼王貴烜不執教事、坐論死。未幾、王事別覺、宥之。復原
任。南京、尋陞福建僉事、致仕。京師大水、詔求直言、行賑恤。
陞蘄州知府況鐘、吉安知府陳本漫、並祿正三品。仍知府
事。

夏四月、倭寇浙東、殘力備之。五月、詔黔國公沐晟將兵征
麓川叛人思任、沮潞江。晟使諭降、都指揮方政不奉令、渡
江擊敗之、斬首三千餘級、溪入、逼上江、被圍。晟以其孱、令
坐、視不援、攻一軍沒、晟乃燒積聚、反走永昌。帝責狀、晟懼。

自殺。六月，西域撤馬兒罕獻良馬，賜名瑞頴，詔畫史圖之。
帝命太監吳誠、吉祥、監督諸軍討麓川，思任敗績。
冬十月，廢遼王賚哈為庶人。十二月，追封故廣西總兵都
督同知山雲為懷遠伯。十二月，徙封荆王瞻埈於蘄州。
正統五年庚申春正月，南京少保戶部尚書黃福卒。謚忠
宣。召南京守備襄城伯李隆提督京營。隆識大體，持以寧
靜。雅好文墨，或以其得人心。疑內召。遂頗狎聲妓，以自益。
秋七月，大學士楊榮省墓畢還京，病卒。武林驛上輟朝，贈
左柱國、太師、謚文敏。命侍讀學士苗衷、馬愉、侍講曾霖並
入內閣，參預機務。旌吉安義民周怡等十一家，復之。

正統六年辛酉春命定西伯蔣貴為征彝將軍兵部尚書
王驥為提督太監吉祥為監督征麓川侍讀劉球疏以麓
川小寇滅之不足為武釋之不足為却且全力邊防以過
北鹵脫歡也先父子不聽

冬十月復建奉天華蓋謹身三殿及乾清坤寧二宮成十
一月朔上御奉天殿受朝賀大赦詔京師各樹門除行在
二字右副都御史吳訥乞致仕許之大將軍貴攻麓川大
敗之於江上斬首五萬餘級提督驥深入復敗之於沙木
籠山及馬鞍山之陰賊死傷十餘萬思任遁去依緬甸驥
移兵討偽廣新王韋郎羅賊聞王尚書至盡潰去韋郎羅

道入安南、安南人懼、斬其首、并縛其妻子、以獻、閏十一月、以李時勉為國子監祭酒。

正統七年壬戌春三月、論麓川功、進封蔣貴定西侯、王驥靖遠伯、兵部郎中侯璉、陞禮部右侍郎、工部郎中楊寧、陞刑部右侍郎、餘陞賞有差、令南京造遮洋船、由海道運糧至薊州。

夏六月、少師工部尚書吳中卒、中贖貨而鄙、繇國子生積宦今職、其妻每不然、中受誥時、令其子讀、聽曰、至尊為之乎、抑翰林官代草也、子曰、代為之、曰、翰林先生雅知人、終篇不聞有清、廉二字、中聞之內愧。

秋七月、始置戶部太倉庫、擢兵部都給事中王承和為工部右侍郎。

冬十月、太皇太后張氏崩、上尊諡、命定西侯貴、請遠伯驥提師往、搜思任緬甸、先之以檄、緬甸懷詐、不發、攻破之、思任復遁去、俘其妻子、旋師、加貴驥歲祿各三百石。

正統八年癸亥、夏四月、冊立皇后錢氏、雷擊奉天殿鸚鵡、詔羣臣直言得失、侍講劉球言十事、其一、摠攬乾綱、意在詆宦、振黨、錦衣衛指揮馬順、誣以別案、碎收球入獄、球知變、大呼、太祖太宗之靈、順使投刃裂其屍、既死、屹立、移時、不仆、已順子狂疾、代球數順罪、一時、謂死球所憑、下天

理寺少卿薛瑄於獄除名為民瑄與振同鄉獨不屈節振
都御史王文承振旨坐瑄出入人罪付西市其子請一人
代死二人充軍瑄父不許瑄手周易不輟門人奔走哭兵
部侍郎王偉為申救得免致歸南京國子監祭酒陳敬宗
九載考績至京闈振浮慕敬宗名託巡撫周忱頗致敬見
之意敬宗不以為意他日致羊酒綵幣求書程子四箴希往
謝敬宗為走筆付之而不反其禮竟不一見坐十八年不遷
官无刺太師脫歡死子也先嗣也先自併阿魯台勢益強
屢犯

冬十月徙封鄭王瞻埈於懷慶章皇帝廢后靜慈仙師胡

氏薨。學士奇子楊稷有罪，建繫法司論死。稷惡彰著，士奇頗不察，鄉人至豫為祭文侍之。

正統九年甲子春正月，新建太學成，帝行釋奠禮。三月，少師大學士楊士奇卒，贈太師，謚文貞。夏四月，大旱，遣官請雨於岳鎮海瀆。六月，浙西大水。

秋七月，兀良哈三衛寇邊，成國公朱勇、左都督馬諒、興安徐亨、都督陳懷提兵十二萬，分四道入，至全寧，遇敵福餘，逆擊走之。次虎頭山，戰泰寧，朵顏又敗之。論功，加勇太保，亨進封興安侯，諒封昭遠伯，懷平鄉伯。餘陞賞有差。

正統十年乙丑春正月，宴天下來朝課最官，布政使丁鑑

等於禮部仍加勅諭、賚衣鈔、三月、殿試第一商輅、舉浙
江鄉試及會試皆第一、稱三元、始命內閣臣與各衙門會
議大政、宣德以前、大臣就宸前面議施行、不特批答、特上
幼冲、面議遂廢、諸具本聽奪、浙江台寧等府久旱、民疫、命
禮部右侍郎王英代禱南鎮、甫至紹興、大雨既禱、復大雨
時稱侍郎雨

正統十一年丙寅春三月、兵部侍郎于謙巡撫河南、山西、
十年不調、忤閹振、降大理少卿、二省民咸赴闕、留復任巡
撫、在鎮十有八年、入理部事

秋七月、少保大學士楊溥卒、贈太師、謚文定、溥在閣時、子

來自石首。具言江陵知縣范理。跡節不為禮。溥即薦理守
德安。再擢貴州布政。理不私謝。及溥卒。乃為位祭而哭之。
以讞知已。

冬十月。上閱武於近郊。

正統十二年丁卯春。詔翰林官十人入東閣。習制誥。讀中
秘書。侍經筵。以備他日內閣之選。祭酒李時勉致仕。宣大
總督都御史羅亨信請於直沽等處增置城堡。以防也。先
內犯。留中。

秋七月。河決張秋。潰沙灣入海。尋決榮澤入淮。逮霸州知
州張需下獄。請戍邊。需佐治鄭州。最受旌。轉知霸州。捕蝗

有法侍郎魏驥下其法於諸郡民便之時有牧馬者擾其
民需管之領牧者諛於振坐謫廷臣莫敢出一言

正統十三年戊辰春三月殿試後定廣吉士止北卷及四川
萬安劉翊劉吉等一十人

夏四月福建墟集長鄧茂七及偽稱閩王汀州推官王得
仁擒其黨陳正景伏法賊據松關攻先澤及邵武破順昌
龍溪攻沙縣同知鄧洪二十八人戰沒據貢州沙縣同殺我
二都指揮詔都御史張楷都督劉得新等討之

秋七月處州賊葉宗宙及其黨周明松陳諫胡陶得一
等四出掠殺都指揮紀綱征閩官軍便道攻之不利都督

陳榮指揮戴禮戰敗死詔遣工部尚書石璞都督徐恭督諸軍討守留恭閉壁不敢出已進兵敗績三司官沈麟耿定王成皆陣死河決滎陽東至淮遠入淮時思任子思機思上復據孟養叛命請遠伯王驥率兵討之

冬十月驥渡金沙江攻破賊柵進次孟養拔其鬼哭山反芒崖山等寨斬獲無算貴州都指揮路宣九溪都指揮翟亨陣沒二孽竟失所在增驥祿百石賜券世襲守備監察御史朱瑛以計生致處州賊黨周明松賊三萬欲劫明松瑛立誅明松於市賊退去

正統十四年己巳春正月復命寧陽侯陳懋為征彝將軍

出尚書金澹益兵討閩賊茂七。都督得新大捷。連陽斬首一千五百餘級。招賊徒黃琴等。誘擒偽將劉宗羅海。即七等。二月。茂七寇延平。都御史楷戰却之。斬首千餘級。賊移寇建寧。左叅政張英戰死。再犯延平。而金澹等大兵亦至。合擊敗之。茂七中流矢死。衆推其兄子伯孫為主。聚後萍平。江伯陳豫追縛之。閩平。詔張楷還師。定處州。大捷銅山。時宗宙已陣死。葉希八者為渠帥。與其黨來降。獨陶得二敗去。瓦剌也先遣使二千餘人進馬報三千人。闖振怒其詐。減損馬價也。先遂以兵寇遼。貴州苗叛。先是麓川之役。用兵十年。列衛空虛。苗獠乘間竊發。攻圍城堡。雲南凱歸。

師張軌被截，死亡數萬。軌等僅以身免。命總督兵部侍郎侯進、副總兵都督方瑛率兵討之。二月，擢御史韓雍為倉都御史，巡撫江西。錄浙江僉事陶成招降處州賊陳諫、胡功。進副使時久旱，命太監金瑛同三法司堂上官會審獄囚，以消天變。瑛中坐尚書，以下左右列此。內臣五年，審錄之。始靖遠伯驥討擒叛蠻，中富檻京師，伏誅。召驥還。夏五月，湖廣苗叛，右都御史王來保定伯楊瑤率兵討之。六月丙辰夜，南京電火發，自謹身殿延及奉天華蓋二殿。奉天諸門皆燼。時紹興山移，地震，陝西山移數里，有聲吼。三日，黃河改徙所在，不敢以聞。閩振，新居初成，輒毀。詔大

赦天下。前少保大學士黃淮卒。謚文簡。

秋七月。侍講徐理見熒惑入南斗。私語其友劉溥。禍不遠矣。亟遣妻子南還。鹵也。先大舉入寇。大同兵戰失利。邊塞城堡率陷沒。警甚。聞振。遽挾天子親征。廷臣伏闕。留不聽。十有七日。車駕發京師。太監金英輔。郟王居守。上以五十餘萬人出居庸。過懷來。至宣府。邊將井源敗報。踵至。儒臣連章請駐蹕。振怒。皆令掠陣。次大同。振復虜兵北進。成國公朱勇。滕行。魏命。振。戶部尚書王佐。稟事。跪伏。振草中獨欽天監正彭德清。叱振曰。象緯示警。不可復進。倘有疎虞。陷乘輿於草莽。誰執其咎。學士曹鼐曰。臣子不足惜。主

上係天下安危。豈宜一擲。振怒。嘗之。且曰。果然。命矣。會有
黑雲。繖營。雷。雨。前鋒。西寧侯。宋瑛。武進伯。朱冕。全軍。覆。鎮
大同官。郭敬。察。言。於。振。勢。萬。二。不。可。復。進。振。始。命。明。日。班
師。副。總。兵。郭。登。請。駕。從。紫。荆。關。入。可。獲。萬。全。振。不。聽。師。遇
鷄。鳴。山。鹵。躡。至。遣。朱。勇。反。兵。五。萬。禦。之。戰。鷄。兒。嶺。下。全。軍
沒。兵。部。尚。書。薊。野。請。帝。疾。驅。入。關。而。嚴。兵。為。殿。振。怒。曰。豎
儒。安。知。兵。事。八。月。之。十。二。日。次。土。木。日。尚。未。晡。去。懷。來。二
十。里。文。武。請。促。走。保。懷。來。乃。以。振。輜。重。千。餘。輛。在。後。駕。避。之。
土。木。之。水。泉。明。日。欲。行。鹵。已。逼。四。面。合。圍。大。軍。不。敢。動。又
明。日。人。馬。渴。極。掘。井。汲。二。丈。無。泉。鹵。偽。退。請。平。方。呂。學。士

萬草詔與鹵使使往振令移營未三四里鹵兵來追我軍
行列大亂勢不能止鹵跳蕩入大呼解甲投刃者不殺衆
裸袒相蹈藉死蔽野塞川官侍虎賁夫被體如蝟毛上與
親兵乘馬突圍不得出遂下馬盤膝南面坐有一鹵索衣
甲不與且舉刃其兄至曰此舉動非凡人以見主遂擁以
去百官死者英國公輔尚書野及王佐學士曹鼐張益而
下數百人而振亦為亂兵所殺其幸免者蓬垢負飢踰小
墮谷乃得至關驢馬二十餘萬及衣甲器械輜重盡棄鹵
上見蹇刊王鹵中通事意大明天子急詔也先也先與所
為乃公者商之乃公曰大元之誓天落我手伯顏帖木兒

色變呼也。先為那顏。那顏者，華言大人也。若曰：安用此人開口推其面去之。大明天子從雲空推下，萬死之中，鏃矢不沾寸兵不及。此知天意猶在矣。且吾等受其賜積多，安得言之。當報中國，使來迎之歸。那顏那顏，豈非萬世美名。時鹵衆皆曰者者，然辭也。於是也。先以上送伯顏營，令護之。伯顏也，先弟也。十七日，報至京師。大震。皇太后遣使齎黃金珠玉袞緞，駝以八馬詣也先營，請還帝。命邨王權總萬機。王於午門南面，見百官。啓入行。二十日，皇太后詔立皇長子，見溪為皇太子。時僅二歲。百官請於監國王奉令旨，族誅王振。立毆死。振黨馬順於朝，血流殿廷。復索振所

親信王毛二長隨殺之。於是移王座入奉議門左。籍振家
鬻其任山於市。族屬無少長皆斬。皇太后命以于謙為兵
部尚書。鹵挾上至大同。給金幣。都督郭登閉閤不納。上傳旨
曰。朕與登姻媿。何外朕若此。登遣人傳奏曰。中國有君臣
奉命守閤。不得擅啓。閉隨駕校尉袁彬以頭觸門大呼。知
府霍瑄自水竇出。謁備獻犒。廣寧伯劉安等括公私金銀
萬餘兩。輸鹵乞駕。鹵得之。笑擁駕去。登初謀飽壯士七十
餘人。激以忠義。往奪駕入。約事成高爵厚賞。會有沮者。不
果行。時也。先欲起賊駕。是夜忽大雷雨。震死所乘青驕馬。
遂不果。彬侍上。又得哈銘為周旋。哈銘者。初隨使臣吳良。

羈鹵中者也。彬嘗出侍帳外，見赤先侍單上卧處，鹵視之，皆然。繼雪夜，鹵令人行刺上，見大蟒蛇盤繞，畏不進。自是益加敬禮也。先營野松林，上至其營也，先拜稽首，乃侍坐。出妻妾以次奉上酒，歌舞以為樂，復還伯顏營。伯顏與妻亦如也。先禮，每二日獻羊，七日獻牛或馬，二人出獵，又以所獲次第上進窩兒帳房一頂，差達婦管起管下二十九日，皇太后遣太監金瑛傳旨，皇太子幼冲，未能處理萬機，邾王年長，宜正大位，以安國家。内外文武亦以時方多故，人心危疑，思得長君，以弭禍亂。於是交章勸進，擇日行禮。是日令旨，命翰林脩撰商輅彭時入內閣辦事，廣東盜黃

蕭養園廣州。殺副總兵都指揮使王清。命都督同知董興
總諸道兵討之。九月朔也。先使來言。欲送上還京師。使回
厚賚也。先初五日。邠王即皇帝位。尊上為太上皇帝。大赦
天下。改明年為景泰元年。於是天下始知有君。朝綱整肅。
統令得行也。先復遣使至。書詞媿。尚書于謙奏上。鹵氣盈
滿。勢必長驅。宜急分投召募。隸神機營。操演聽用。仍令工
人成造攻戰器具。京師九門。宜用都督統領。出城守護。徙
郭外居民入內。毋為鹵所掠。通州壩上倉糧。宜令在任人
員悉詣開支。准作月糧之數。上皆從之。擢邠府左長史儀
銘為禮部左侍郎。右長史楊肅為兵部右侍郎。審理正俞

綱為太僕卿、審理副俞徽遷、會都御史伴讀俞山為鴻臚
寺卿、楊興為戶部郎中、武清伯石亨初協守萬全、坐不救
乘輿、詔獄、尚書譙請釋出總京營兵馬、退南贖罪。
冬十月也。先與其可汗脫脫不花名返上皇、入寇紫荆關。
京師戒嚴、先是內侍喜寧、胡種也、土木之敗、降也。先露我
情實、自是導鹵、持上皇闖紫荆關、殺指揮韓清等。都御史
孫祥走死、朝野洶心、無固志。太監金瑛奉命召廷臣問計。
侍講徐瑄以占象倡南遷之議、瑛叱之、扶瑄出、明日于謙
抗疏、京師天下根本、本一動、大勢盡去、萬無為宋南渡故
事。瑛遂大言曰、死則君臣一處死、敢言遷都者殺無赦。於

是衆心稍定。時各處倉場草束、芻料、充牣百萬計。所不盡
 散給者，于謙聞，自臨闕急使人盡火之。然後奏聞曰：毋以
 資國。鹵果長驅至京師西北闕外，焚掠諸陵。時石亨等軍
 城北，都督孫鏜軍城西，于謙及刑部侍郎江淵分督之。皆
 背城以待。以交趾舊將王通與都御史楊善守城。時尚寶
 司丞夏瑄原吉子陳四策，謂宜堅壁勿戰，設伏以覆之。且間
 夜襲其營，調遣兵之半。內外夾攻。若進兵死，聞宜以三隊
 為法。前隊反走，中隊悉斬以徇。召者同罪。詔趣行之。閣臣
 陳循遂請疾，勅遣東宣府兵入援。亨等初與鹵戰，殺傷相
 當。喜寧嗾也先詭請和，姑以通政使王復為禮部侍郎。中

書舍人趙榮為鴻臚寺卿。出迎上皇也。先以復榮非大臣
不許。上皇微語二臣。彼無善意。爾等速去。二人歸。而鹵復
縱掠攻城急。會宣府遼兵至。我軍大振。后亨與其從子彪
激蕩鹵陣。所向披靡。晉神機營都督范廣以飛鎗大箭佐
之。殺傷頗衆也。先奉上皇夜遁。脫亡不花間之。遂不敢入
關。亦遁去。上皇出紫荆。乘馬雪行。上下坡岡。則素彬為控
持。哈銘左右之。既入鹵境也。先來見曰。勿急。終當送還。遂
辭去。脫亡不花遣使獻馬議和。朝廷却之。胡深王直言脫
脫與也。先君臣素不協。宜受其獻以間之。遂厚待其使踰
等。遣都督楊洪孫鏜范廣等擊餘鹵之未去者。敗之于固

安奪回人口萬餘。其實胡人不過百餘騎。時舊降酋安置畿內者。乘勢起為盜。命都指揮董寬率河間瀋陽等衛兵。遍行緝捕。改戶部尚書周忱為工部。仍巡撫南京。糧餉軍器。鱗次發運。未嘗愆期。十一月。京師解嚴。頒詔撫安天下。論功。封楊洪。昌平侯。石亨。進封武清侯。加于謙。少保。總督軍務。餘陞賞有差。時有留遣將內衛之議。兵科給事中葉盛上言。今日務守宣府。居庸為急。毋為近保四門之計。詔從之。先是。宣府總兵官入衛。人心單怯。義敬葉域。委酋都御史羅亨信。伏劾。坐當門。令曰。敢有出城者斬。酋知有備。不敢攻。北門以固。上皇北至小黃河。鹵營蘓武廟。伯顏帖

木兒之妻阿撻刺阿除，促令使女設帳迎駕，尋直聖節也。先來上壽，進蟒衣貂裘侍宴。上皇在鹵庭未嘗少降顏色也。先欲以其妹侍上，使譯使胡觀童言之，上皇以萬乘之尊，無甥館於胡者。謝曰：禮難野合，候還南朝聘之。又選胡女數人薦寢，復不納。曰：留為他日嬪御也。先益敬服。其下每見上皇所御帳，上有火光，隱隱若黃龍交騰狀，即之不得。天寒，袁彬嘗以兩膀溫上皇足，哈銘卧或手加上皇脚。上皇候其寤，下之，遂引漢光武子陵故事。且曰：還朝當都指揮彬也。上皇常夜出帳，仰視天象，語彬銘曰：天意有在，我必不終鹵中。令銘微致語伯顏妻，令勸伯顏還蹕。妻曰：

婦人何能為。侍中悅洗濯時。或一言之也。鹵寇遼東。都督都御史王翱等嚴兵禦之。鹵遁去。十二月。鹵寇井州。提督都御史馬昂簡精銳出屯隘伺之。鹵不進。尊皇太后孫氏為上聖皇太后。尊生母吳氏為皇太后。冊妃汪氏為皇后。皇子生母周氏為貴妃。追封英國公輔為定興王。謚忠烈。喪不還。以衣衾葬。以禮部右侍郎俞綱兼翰林學士。入內閣辦事。經以生員薦起。舊恩驟進時。以為異。

罪惟錄帝紀卷之七

代宗景皇帝

代宗恭仁康定景皇帝。名祈鈺。母賢妃吳氏生。

景泰元年春正月朔。帝受朝。免賀。上皇在鹵營。寫表祝天。行十六拜禮也。先迎作年。斷頭山初七日。上皇書至。索大臣來迎。廷議北使進冬衣。奉旨有能識太上皇者。行群臣俱謝罪。繳原旨。不行。閏正月。初開講筵。以太保寧陽侯陳懋。知經筵事。內閣陳循。高穀。同知經筵。都督王全。侍戚曉。橫奪民田。御史朱瑛。廷劾之。有旨還民田。鹵入朔州大同。總兵郭登。擊敗之。封登定襄伯。侍講劉定之。上言十事。一固

閩防。二遷降胡。三練兵馬。四勤奏議。其餘戰陣。選將。選使。臣簡守令。重經筵。教武胄。皆切時務。上嘉納之。令天下生員。納粟上馬者。許入監。限一千人。止。贈前侍講劉球為翰林學士。謚忠愍。大學士彭時乞終。繼母喪。不許忤旨去。夏四月。喜寧伏誅。寧屢為也先嚮導。若不願上皇還京。忌袁彬。誘出營。將殺之。上皇急救之。乃免。時遣寧傳命京師。彬奉密書。繫軍士高磐。解下。令與寧俱。至宣府。叅將楊俊出受命。磐抱寧大呼。俊得書。縛寧以獻。正法。大同叅將許貴奏。鹵請和。尚書于謙曰。中國與北鹵。有不共戴天之讐。和則背君父。而違大義。理有不可。敵貪而詐。和議一行。彼

有無。獸之求。非公之請。從之。則不可違。之。則速禍於勢。亦
有不可移。文誥責責。國子祭酒李時勉卒。五月。處州賊黨
陶得二。復起寇武義縣。副史陶成禦之。戰死。以尚書謙議
立京營團操法。城固原。戮葉城。左都督楊俊。以殉。六月。此
使議和。遣禮部左侍郎李實等使。鹵。時脫。不花。雖為可
汗。兵勢與知院阿剌大遜也。先。前合兵南侵。利多歸也。先。獎
則均受。以是外親而內忌也。先。耻。屈。意。言。和。遂陰使阿剌
為書。遣恭政。完者脫歡。南請。帝御文華殿。諭群臣曰。朝廷
因通和。壞事。故與鹵絕。而卿等累以為言。即奈何。吏部尚
書王直首對。謂上皇在鹵。理宜迎復。乞速遣使。勿使有他

日之悔。帝不懌曰。當日即真卿等為之。非朕意。少保子謙對曰。大位已定。孰敢異議。但欲發使盡禮以紓邊患。帝意始釋。曰。惟若拂衣入。須臾與安出傳旨。即欲答使。且問孰可行者。今文天祥富弼何人。王直面發楮厲聲曰。今日陛對。皆朝廷人。孰敢不行。與安復命。乃陞都給事中。李寶為禮部左侍郎。羅綺為大理寺右少卿。充正副使以行。既勅書下。惟言報禮不及迎駕。寶驚。詣闕白之。遇與安。曰。汝第為之。他何與。

秋七月。寶等與鹵使俱北也。先歷詰前所遣使臣見殺之故。寶坐辯不屈。因謝也。先厚待上皇至意也。先喜。明日引

見上皇。且曰：大臣朝以至，駕夕以發。上皇見實，問三宮安否。為法然注：下實後有詩紀其實。詩曰：重整衣冠拜上皇。充腹非天祿，草野為君異帝鄉。始信奸臣移國柄，終也先教胡肉叛天常。只今天使通和好，翠輦南旋省建章。也先復只勅書，只云講和不及迎駕，駕在此定不能。皇帝我速還汝國，千載美名。而以大臣來，今去自輕。汝皇帝不可上皇與三書實辭歸也。先即撤回山西大同一帶，搜邊人馬。時可汗脫脫不花亦遣其平章皮兒馬黑麻來議和。朝廷復遣右都御史楊善、侍郎趙榮、出塞報命。道過實，實以函情告之。八月也先見善等至，甚喜。平章昂克問將何禮儀。善曰：太師仁義克順天道，敬我君父，豈以貨故。此萬代瞻

仰也。先曰：都御史言是也。先復問上皇還復御殿否。曰：天位已定，不復更因也。先言及堯舜，遂言堯讓位於舜。今日兄讓位於弟，恰相合。明日善等見上皇於伯顏帖木兒營，又明日也。先餞上皇其營，令妻妾奉酒，而身撥琵琶為樂。顧善等曰：都御史坐，善不坐。上皇曰：太師云坐，坐。對曰：雖草野不敢失君臣體也。先噴曰：中國好禮教。繼伯顏亦具餞。初八日，上皇答駕也。先率衆頭目禮拜別。伯顏以兵護行至野狐嶺，慟哭別曰：皇帝去矣。何時復得相見。仍命頭目五百騎送至京。時禮部會議奉迎禮未決。千戶龔遂榮校匿書翰林學士高穀所，以上皇之出非遊政比。總為

宗社計奉迎禮。須臾即上。當遜位。懇辭。而後受命。不然。恐千載史筆。難洗。敕袖其疏入朝。示廷臣曰。武夫尚知此禮。况儒臣乎。王直曰。禮失而求之野。胡濙欲即以封進。都御史王文止之。內閣陳循見之。恚甚。言於上。求匿名急。遂榮知印。承猶請治其罪。下錦衣衛獄。後會赦得免。十有四日。上皇至懷來。將抵居庸。始得旨。禮部共議迎後儀。注兵部議防變方略。以聞。同官集會議所。王文忽厲聲曰。孰謂上皇來。不金帛。必土地。憂方大。諸臣素畏文。相顧無復言。胡濙獨具儀注送內閣。是日之望。上皇至唐家嶺。遣使回京。諭遜位。免群臣迎。明日。百官迎於安定門。上皇自東安。

門入。今上迎拜。上皇答拜。相抱持哭。各述受授至意。推讓
良知。乃送上皇至南宮。百官隨至南城請朝。見上皇。勅曰。
先帝遺命。祖宗鴻業。付朕負荷。朕朝夕祇懼。去年秋。醜鹵
傲虐。皆思負德。拘我信使。率衆臨邊。朕不得已。親典六師。
往問其罪。不意天示譴罰。被留鹵中。屢蒙聖母上聖皇太
后皇帝。賢弟。萬念親親。遣人迎取。又賴天地祖宗。鴻庇。幸
得還京。自惟辱國喪師。有玷宗祀。尚有何顏。受爾文武群
臣朝見所請。不允。帝宴瓦刺使人於奉天門。上皇復宴之
南宮。陞賞有差。大赦天下。
冬十一月。上皇萬壽節。禮部請群臣朝南宮。有詔。免南京

吏部尚書魏驥表乞骸。許之。驥門下內閣陳循欲私驥曰。事在吾輩。驥不從。退謂人曰。渠將朝廷事為家事。安得克終。十二月。尚書胡濙請明年正旦百官朝上皇於延安門。不許。荆王瞻垌請朝上皇。不許。

景泰二年辛未春正月上皇在南宫。二月命右僉都御史王珣巡撫兩淮諸郡。時徐淮以北饑流亡載道。珣不待奏報。設法賑濟。上大言曰。好御史。否。飢了我百姓矣。兵部右侍郎項文曜每媚附于謙。出入必附耳。即語無大要。一時笑文曜為于謙妾調吏部以離之。三月都御史王來擒苗簡韋同裂香爐山下賊平。移討貴州賊。

夏六月、巡撫都御史李匡破草塘賊。

秋七月、詔擇顏子後裔希惠。孟子後裔希文。並授翰林世

襲五經博士。誠意齋孫劉祿亦授是職。文選郎中李賢上

正本十策。勤聖學、慎嚴警、戒嗜欲、絕玩好、慎舉錯、崇節儉、畏天變、遠貴近、振士風、結民心。詔下部

既而給事中李侃等以災異上疏稱李賢言是急宜採納。

上乃命翰林繕寫賢策置左右省覽。擢賢兵部侍郎。禮部

尚書楊寧嘗讀至節儉一則。撫案曰。是當使人流涕也。時

帝頗尚侈靡。近聲色。宮中嘗擲銀蓋金鈔為嬉戲。編脩楊

守陳賦銀笠。諷寓諷諫。錦衣指揮盧忠典尚衣太監高平

使人告少監阮浪謀欲挾衆發南宮。出上皇。詔收浪窮治。

浪不承獄死忠恐反坐作風狀以解學士高輅典司禮王
誠等謂不宜因風者言傷骨尚勇治忠忠謂家供真武像
得其報坐妄言伏誅浙閩盜平南直隸巡撫工部尚書周
忱致仕以戶部侍中李敏代之中書舍人何觀進訐尚書
王直胡濙等正統中阿附權奸無所救正又言北鹵來朝
宜驅置南方不遣下臺省會議給事中毛玉作覆草此觀
誣陷大臣擢鄒邁、蔣、律同列林聰、葉盛勸玉易草不從盛
曰獨不念劉球之事乎成朝廷不容正直之名未便遂易
敬語杖觀調外任

景泰三年壬申春正月上皇在南宮上遣使貽瓦刺脫

可汗書二月也先攻破脫心告捷兼通好因邀我使往報
詔絕之備遣以右僉都御史李秉恭贊宣府軍務抵任發
帑三萬兩買牛給貧乏軍民樂業時北鹵以所掠男婦叩
閩易米責人米一石朝議大小殊鹵不從秉曰何用貴物
而賤人如數典之帝以秉為能

夏四月命都督同知孫安鎮獨石馬營等處以都給事中
葉盛為山西右叅政協贊軍務盛先在獨石五年遣人賴
之五月詔立皇子見濟為皇太子生母抗氏為皇后廢皇
后汪氏居孫宮改封皇太子見浚為沂王弟見清為榮
王見淳為許王廷臣俱兼宮僚先是帝皓欲易太子梓語

內侍金瑛曰。七月之二日。為東宮生日矣。瑛叩頭曰。記東宮生日。為十一月之二日。瑛蓋正對也。上遂不與瑛謀。內侍王誠舒意。掌請先。喚內閣諸學士。各黃金五十兩。白金一百兩。大學士陳循。掌感恩最。會土官都指揮黃玘。方受事在獄。侍郎江淵。令馳奏請。立見濟。為皇太子事。在懷歎皇太子。傳時。循主筆。草奏。跪而從事。已。大陸賞。遂有滿朝皆太保。一部兩尚書之譏。上既立。見濟為太子尚書。楊翥以潛邸舊人入賀。僉事陳祚語翥曰。異乎。公之此行。不諫而賀為。

秋七月也。先裁其至。脫亡不花。併其部入貢。八月。改各處

鎮守兵部侍郎為巡撫都御史九月南京兵部尚書王驥致仕、

冬十月命太子太保左都御史王文入閣參議機務

景泰四年癸酉春正月上皇在南宫詔陝西布羊角為上

元燈具鎮守副都御史耿九疇上疏止之尚書何文淵以

奸穢為言官交訐致仕去二月改王朝為吏部尚書太監

阮安治決河張秋道卒安介潔工經營私橐悉上官不私

一。恭。台。大。同。總。兵。郭。登。還。朝。登。嘗。疏。和。邊。不。足。恃。耳。急。同。

大。同。勇。興。屯。田。未。竟。其。用。

冬十月以左諭德徐有貞為右僉都御史代治張秋有貞

初名程。以南遷議為大內所指名。意悵惘。獻玉帶陳循。求遷。循曰。必更名而後可。及改今名。河工成。轉右副都。十一月。皇太子見濟薨。

景泰五年甲戌春正月。上皇在南宮積雪恒陰。詔求直言。夏四月。南京大理少卿廖莊應詔上言。請為親亡之情。朝上皇於南宮。或講明家法。或商確治道。仍令群臣時得朝見。以慰清宴。又曰。上皇諸子。皇上之猶子也。宜令親近儒臣。日侍講讀。以待皇嗣之生。使天下曉然知皇上有公天下之心。奏入不報。新建龍福寺成。車駕擇日臨幸。太學生楊浩此顯。並上疏諫。儀制司郎中章綸曰。佛者聖人所不

道。以萬乘之君。臨非聖之地。史官書之。傳之萬世。如聖德何。上。即日罷。行。五月。下。革。綸。及。御史。鍾。同。於。獄。同。手。疏。請。朝。上。皇。復。沂。王。為。皇。太。子。未。上。以。示。都。御。史。劉。廣。衡。廣。衡。止。之。因。諷。尚。書。胡。濙。濙。縮。不。敢。對。曰。作。死。作。死。同。不。聽。竟。上。之。下。禮。部。會。多。官。議。適。章。綸。疏。陳。脩。德。拜。突。十。四。事。其一。謂。上。皇。君。臨。天。下。十。四。年。是。天。下。之。父。也。陛。下。嘗。登。受。冊。封。是。上。皇。之。臣。也。朝。見。南。宮。之。禮。似。不。宜。緩。更。請。復。汪。后。於。中。宮。以。正。天。下。之。母。儀。復。沂。王。於。儲。宮。以。定。天。下。之。大。本。帝。覽。疏。大。怒。時。已。暝。昏。從。門。隙。出。夜。收。綸。入。獄。又。二。日。并。逮。同。並。酷。掠。流。血。被。體。逼。令。誣。引。大。臣。及。南。宮。通。謀。

狀不承。後炮烙窮治，恠毒潰卒，無一語會天。大風雨，黃沙
四塞，乃密勅錦衣衛緹其獄。兵部觀政進士楊集上書于
謙，略曰：奸人黃珪進易儲之說，以迎合上意計脫於理。而
公等國家柱石，乃戀_二宮僚厚賞，不思所以善後乎？脫同
論死獄，而公等坐保崇高，請議奈何？謙以書示王文，文曰：書
生不知朝廷法度，然頗有膽氣，當進一級。出集知安州，於
是給事中吳江徐正密請召見屏左右，言上急出沂王於
所封，增高南城墙數尺，代去城樹，鑄灌封鎖，以防不測。希
佛然_二人雲南經歷，當未行，後謫戍，跌嶺時御史滑縣甲
亦請盡削宮樹，會盛暑，望每露涼樹下，得其故，頗戒心，以

薛瑄為大理少卿瑄初到南京大理獨不從公卿祖太監
金瑛江上瑛至京亞口瑄及內官會蕪松譏民貸粟富家
不與焚其室懼罪蹈海王文按治坐謀反連及五百家瑄
抗章力辯之獲免者衆文曰此翁崛強猶昔齊庶人瞻赫
谷庶人瞻焮移真鳳陽

景泰六年乙亥春正月上皇在南宫命太監尹祐鎮守兩
廣總督兩廣右都御史馬昂征龍水徑賊破之轉左
秋八月南京大理少卿廖莊以內艱起復至京帝追恨莊
前疏出前章綸鍾同並杖午門同死杖下謫莊陝西定差
驛丞綸禁錮詔獄

景泰七年丙子春正月上皇在南宮少保于謙以病在告
 帝遣太監興安舒良審視之謙未五十鰥居以王事多艱
 不再娶窮年入直飲食澹泊醢醬蔬菜分尚膳賜之至是
 病上幸萬歲山伐木為漚以和謙藥言官或嘗謙柄用過
 重興安曰果如所言請再覓一分憂國家不要錢不愛官
 不問家事如謙者易之言者慚而退順天河間二府民饑
 命刑部右侍郎周瑄往賑之以七事請一裁省冗官一停
 欠馬驢牛羊一暫罷供應柴炭夫役一聽民採取皇在湖
 泊之利一招商中納益糧損其斗數一移借水次官倉之
 粟命工部尚書石英兵部尚書江淵撫任理事
 秋八月欽賜內閣陳循子瑛王文子倫為舉人時右春坊

卷之七
 七

大學士劉儼及侍講學士王諫為順天考試官瑛倫俱落中式循文矯請重試高毅朝舉面奏大臣子與寒士並進不可況構罪考官乎繇是儼等得釋而瑛倫蒙特旨許一體會試禮科給事中張寧劾奏循等私其子失大臣體宜謝閣務不報九月湖廣苗叛命兵部尚書石璞討之

冬十二月巡撫江西僉都御史韓雍劾寧王奠培不法削王護衛罪宮僚福建僉事致仕陳祚卒

論曰帝之信任專而社稷以安功不可沒肅愍之以上皇失國權詞耳澹鹵欲并以安上皇不謂帝心必鹵其凡不眷也奉迎遲怠或亦可原南宮之後防之已甚天特

奪太子見濟以奇其報以教第也夫帝果避位固避上
皇。上皇謝間以老太子仍東宮豈不父子兄弟各得其
道。中無少歎。互歎而此事不能責之於大司馬。謙。

又曰。周公負扆事。卒堯老舜攝事。在永樂初。不得借為
名。在此曰。宜奉此為正。二十日。太后命立見。恐為皇太子
則。前權總二字。不宜。改行。越九日。權總者。又以太后命。且
曰。羊長正。大位。則後之廢。歸南宮。皆卒。此處以私而復。公置
之。舜。以後不矣。見矣。向使見濟不亮。奪門不著。為惡虐者。能相
忌。南宮之類。不一。考。憤。戒。不測。半。即見濟。堯。而襄世子立。為
惡。廟者。能。自。誅。其。故。太子之名。不一。稱。兵。步。古。義。半。諸。臣。唐。

遠慮則自太盛金瑛
係世德之長矣

傳卷百幾長而

罪惟錄帝紀卷之八

英宗睿皇帝後

天順元年丁丑春正月上皇在南宮帝自南郊齋宮還疾甚儲位未定內外危懼內閣王文與太監王誠謀迎立襄王子頗洩太監興安諷群臣固請復立應東宮迎上皇群臣集議問學士蕭鎡鎡曰既廢矣不可復王文遂對眾曰不如請立東宮知上意屬誰眾始覺其有異謀矣先是胡濙等群臣集左掖門合請早建元良以安人心左都御史蕭維禎舉筆曰請改建字為擇字何如奏入有旨不允諭是月之十七日視朝謂擇字非復立之意遂開傳王文及于謙



遣使賫金牌勅諭敦促褒王世子入朝矣。既而禮部復會議。俟視朝日合辭必懇。故太子正位東宮。而武清侯亨、頤陰、典、掌兵都督張軌、張軌及左都御史楊善、副都御史徐有貞、謀迎上。皇復辟。密結中官曹吉祥、蔣冕、白於皇太后。十六日晚。軌、軌等會有貞所託。違報急呼兵入內。有貞登屋。覽步乾像。亟下曰。事在今夕。弗失。將發。與家人訣。事成。社稷之福。不成。沉城之禍。歸人不歸。鬼共亨。乃收諸門鑰。入兵千人。夜四鼓。天色晦冥。亨、軌等內懼。獨有貞言弗疑。亟薄南宮。毀垣入。上皇問何為。具以實奏。揮士進筆。有貞為前導。忽天氣朗清。上皇顧問等為誰。各具官對。昇入。

昧爽群擁上皇奉天殿升御座鐘鼓昏鳴疾中聞知之曰兄為甚善千集申懇忽聞上皇已復位驚愕趣就列是日建
尚書于謙閣臣王文及都督范廣大監王誠舒良王勤張
承等下詔徵命徐有貞以本官兼翰林學士直文淵閣典
機務明日陞兵部尚書兼職如故建內閣學士陳循蕭鎡
商輅尚書俞士悅江淵侍郎項文耀王偉古鏞丁澄沈敬
等下獄出前禮部郎中章綸於獄擢禮部右侍郎以太常
卿許彬為禮部左侍郎大理寺卿薛瑄為右侍郎兼翰林
學士石亨等初以迎復事語彬彬曰此義舉也第彬老矣
無能為薦有貞為之至是亨有貞文薦彬遂與宣有貞入

閣辦事。諭迎復功，封武清侯石亨。忠國公張軌為太平侯。張親文安侯軌、輓，英國輔弟也。都御史楊善為興濟侯。以上並世襲。封有貞武功伯。世指揮使。論隨駕功，擢鎮撫。哈銘試百戶，素彬並為錦衣衛僉事。斬于謙、王文、范廣。及太監王誠等於市。陳循、江淵、俞士悅、項文曜發鉄嶺衛、永遠、克軍、蕭鎡、商輅、王偉等原籍為民。初，謙等下獄，上頗猶豫。張軌揚言曰：「不殺謙等，吾等為無名大訊。謙等近褻王事，坐意欲二字獄，定命翰林官故帶東宮官銜者俱改別職。」奪郭登定襄伯，以為南京都督。僉事尋石亨、遽以千戶盧旺、顏敬入侍文華殿。上問伊誰，對曰：「臣心誓也。」復辟與焉。遂

擢二人指揮使自是求請無虛日。冒功陞職至四千餘人。太子太傅高毅與吏部尚書王直禮部尚書胡濙並致仕。上曰：毅無他腸，俞其請。二月，以皇太后誥廢景皇帝，仍為郟王歸西內。降皇太后吳氏，仍宣廟賢妃。皇后汪氏仍郟王妃。是月十有九日，郟王病已愈。太監蔣安希首以帛扼殺王，報郟王薨。上不問，祭葬如親王禮。謚曰戾妃。嬪唐氏等俱賜紅帛以殉，并欲殉王妃汪氏。李賢奏止之。繼令出居舊邸，亦以賢言。兩郡主故加恩。欽天監奏革除景泰年號。上曰：朕心有所不忍，仍其元。贈故御史鍾同大理寺丞。官其子丞知縣。謚同忠愍。召前南京大理寺卿廖莊謫所。

陞南京禮部侍郎、贈少監阮浪為太監，仍令儒臣撰碑文以旌之。占巡撫陝西副都御史耿九疇為右都御史、掌院事。南京督儲副都御史軒輅為刑部尚書。百姓八十歲以上者賜冠帶，禮京師民百四歲。茹文中持厚，三月前吏部尚書何文淵以預草易儲之詔，家居訛傳，都御史至懼自殛。死械前於事中。吳江徐^上坐離間伐樹，錮^心之罪，磔^眼山東。飢徐有貞不可，李賢力贊之。上嚮賢。

夏四月，復沂王。見潑為皇太子。詔處士員才學不求聞達者，所在以聞。葉王瞻璿初疏請皇太子居攝，訓諭郝王盡心輔政。奏上，而郝王已即真八日矣。至是得其疏於宮中。

上覽之感嘆。勅王入朝。禮待甚隆。王為脫被誣。按察使王
槩於獄。及辭歸。曰。願皇上省刑薄斂。以萬姓自愛。上拱手
謝曰。敬受命。追復王振官。刻木視其形。招魂以葬之。即奉
化寺為祠。賜額曰旌忠。五月。御史楊瑄自河間叩馬還。奏
亨吉祥家人。攔佔民田。乞加禁約。上以瑄敢言。令戶部覈
實。以奏。於是十三道御史張鵬等。合糾亨諸不法。兵科給
事中王鉉。急以告亨。疑內閣徐有貞。李賢等。主使遂與
吉祥等環泣。上前數其奪門功。力苦為有貞等所排。且曰。
鵬故伏誅。內官張永從子也。上感命。收瑄鵬。及十三道御
史。盡下錦衣衛獄。并波及右都御史耿九疇。副都御史羅

綺與有貞賢皆下獄。會風雷大作。雨雹如注。板木走石。吉祥之門。老樹皆折。亨宅水溪數尺。京師震恐。翌日即赦。出有貞等降。有貞賢綺皆恭改。九疇布政使。御史鄭顯等調知縣。瑄鵬成致嶺。言路從此塞。於是內閣學士薛瑄及刑部尚書軒輅咸引疾致仕。上勞輅曰。昔按察考滿歸朝。載二竹器。敝馬。非卿耶。賜金幣。六月。命翰林修撰岳正入內閣典機務。

秋七月六日。承天門灾。大赦。復下廣東叅政徐有貞於獄。亨等慮有貞復起。假養病給事中李秉彝名。奏有貞毀謗。連所親馬士權事無實。遂摘武功伯誥券有繒禹神功之

語謂有貞自撰實謀作逆故出語不臣。令都指揮門達痛
鞠士權大呼曰。即有逆謀。何須預露。誥卷達不能折。上以
赦前事。發有貞金盞為氏。亨勸上榜購有告捕前匿名者。
官三品。內閣奉旨撰榜格。呂原岳正奏曰。為政有體。無天
子。自。出。榜。購。募。奸。人。之。理。上。是。正。言。岳。因。數。密。奏。書。石。勢。
張。宜。早。節。制。且。奉。上。命。曲。譏。亨。等。歛。戢。亨。等。切。盡。正。會。承。
天。門。災。上。令。岳。草。詔。罪。已。草。中。稱。奸。邪。蒙。蔽。詞。頗。切。直。亨。
益。大。怒。造。蜚。語。指。正。謗。訕。內。批。降。遠。州。前。御。史。張。鵬。楊。瑄。
成。鐵。嶺。未。至。奉。赦。還。或。謂。宜。詣。書。石。謝。鵬。瑄。不。從。復。成。南。
冊。初。亨。請。放。歸。官。軍。之。守。諸。關。者。以。示。恩。內。閣。徐。有。貞。許。

彬李賢薛瑄不可上重違亨意別選人代之至是亨薦其
 私入恭議盧彬太常少卿王謙入內閣上不聽以尚書王
 翱議復李賢內閣八月追論都督僉事郭登開大同不納
 請居井州復用私事逮置欽州同知岳正繫詔獄謫戍肅
 州正既謫上每語及輒云大膽時后亨張軌輩每朝退輒
 內謂所絮及小故出則張大以自威上頗厭之召賢入謂
 先生有文書宜不時面奏其餘總兵官何用頻來九月勅
 左順門非有宣召總兵官不得擅進自此專任賢必咨可
 否以行

冬十月遣勅書禮聘撫州處士吳與弼時后亨欲借儒行

以自飾薦擲上問賢曰此本朝盛舉上從之。前李來
迹邊石亨請出兵不意劫其所藏古傳國璽李賢曰景泰以
來災異頻仍倉府誅之豈宜動衆且相傳璽自秦皇為李
斯所篆亡國之物何足為寶上從之。勅罷巡邊曹石黨兵
部尚書陳汝賢有罪下獄死籍其家貲仍大內廡下。上變
色曰于謙得君專且久死無長物汝賢何人乃至是亨等
內懼為俛首初謙死皇太后不及知後始知之為上力言
匡濟功并及金牌之誣及事久迎立益無狀上始悟謙竟
而亨等歸罪有貞故貞廢而亨等卒亦不免太平侯張賜
卒賜初名軌貴州征蠻召還于謙常劾其失機恨謙毒奪

門後首謀殺謙以謙親范廣并及之至是出半道忽下車
作拱揖恭為款語右右駭問之曰頃范都督過此歸來發
病不起

天順二年壬寅春正月郊天後念皇太后保護恩加尊徽
號四字曰聖烈慈壽賜爵太后家長孫繼宗蔭會昌侯次
皆都督子侄數十人蒙扶有差太后為不樂者累日曰物
極必衰一旦干憲綱如老婦何且誠後不可為例出建庶
人等於鳳陽或以為不可帝曰有天命者任自為之賜第
鳳陽勅有司上供億出入自便嚴僧徒濫度之禁勅內閣
及儒臣脩大明一統志會昌侯弟顯宗繼家奴橫奪民田

私起店房、禦高貨、上命議如法、以會昌侯曲請、戎其以徵
士吳典弼至京、授左諭德、弼三辭、放歸、典弼條陳十事、以
謝、漳州布衣陳真晟詣闕、上程朱正學、纂要、不報、歸、將往
質吳典弼於江西、編修張元禎曰、許魯齋吳草廬、未是如
聘君者、不可見、亦不必見也、布衣歸、尋卒、上以曹石干預
屏人語、閣臣賢、即奈何、對曰、惟在獨斷、可以絕之上曰、吾
不能觀其怫然者也、賢曰、於理果不可行、且從容諭之、人
主之權、既不下、後彼之勢、自消、廷附之人、當亦自少、上深
以為然、李來寇、延綏守將都督僉事張欽連戰敗之、進同
知、先是也、先以騎鹵為其部哈刺所殺、哈刺復為李來所

殺諸酋迭雄長自相讐難久之始定李來毛裡該阿羅出
李羅忽等相繼入寇而掠延寧井涼東侵宣大北邊無寧
歲

天順三年己卯春二月定遠侯石彪及忠國公亨次第論
死彪以亨故鎮大同淫恣不簡數侮其總兵為流言
彪懷異志上疑彪召彪上諷大同千戶斌等奏留彪為總
兵上按得實即日縛彪棄市時亨氣焰薰灼強持朝政扶
恩故輕朝廷上久不堪亨門下有瞽目指揮童先者手出
妖書曰惟有石人不動勸亨謀異遂有塞紫荆南據臨清
絕餉道以孤京師之說勸亨禦敵延綏乘便發亨不應童

先曰時者難得而易失也。罵亨石人不足與共事。已而彪
事發。連亨上念其功。令謝兵權。本爵歸第。未幾露怨誇語。
收亨獄。死。其黨皆坐死。嗣上從容與李賢言。及奪門事。賢
曰。奪之一字。豈宜為萬世口實。幸陛下洪福。獲濟。假奪而不
得。諸臣不足惜。不知置陛下何地。且邴王不諱。文武群臣
敦請復位。雖欲陞賞。以誰為功。老誠耆舊。依然在職。豈有
殺戮降黜之事。致干天和。上悟曰。此輩豈社稷臣。旦夕富
貴耳。平月荆門劉導高瑛請如邴王廟席在康中黎濟

天順四年庚辰春正月。致仕工部尚書大學士高毅卒。三
月。法司錄迎駕冒功之罪。上恐人心驚疑。以問李賢。曰。

彼顧不自安。許全自首免罪。為便上從之。或請追其支過俸。賴賢曰。是不可傳。旨免。於是冒陞者四十餘人。盡行改正。封皇子七人。德許秀崇忻喜藏策貢士已。其下考者鼓衆。奏考官較文。顛倒有弊。賢曰。即臣弟不在選中。考官無弊。鼓衆者。荷校。

夏五月。靖遠伯王驥卒。贈侯。謚忠毅。

秋七月。鹵李來大舉入寇。直抵雁門。沿邊四掠。既遣都督顏彪赴紫荆關。馮宗赴倒馬關。合鼓雁門。鹵去。南京刑部尚書耿九疇卒。上聞之。稱可惜者。再謚清惠。

冬十月。釋徐有貞歸田。以僉都御史韓雍巡撫大同。雍精

悍負智略。在都察院時。錦衣都指揮劉敬坐與石亨值房
同飲。雍曰。同飲有罪。彼晝夜酖亨。所更何律。以處之。敬得
免議。因十一月。良欵天監湯序不報。坐隱匿降級。
天順五年辛巳秋七月。曹吉祥及其從子昭武伯欽謀叛。
為都指揮馬亮等所覺。猝發以兵誅之。其黨伯顏也先湯
序馮蓋及兄弟鋒鏐鉉等咸伏法。事在吉祥傳。以滅賊功。
加孫繼宗太保。孫鏜進封懷寧侯。馬昂王翱李賢並加太
子少保。擢吏部郎中萬祺為太常寺卿。進完者禿亮為都
督。進封吳瑾梁國公。謚忠壯。贈寇深少保。謚忠愍。李賢因
論工部尚書趙榮常奮呼擊賊。帝曰。忠臣也。馬昂初附吉

祥、至欽誅有功、賜資無虛日、衣有虎撒哈刺者、雖貴戚不可得、昂得之。

冬十月、鹵首阿羅渡河入套、寇延綏、十一月、上召李賢、語及吉祥事、因曰、朕復位五年矣、未嘗一日忘南宮、時且一日之間、五鼓起拜天及九廟、退朝、母后親覽、諸奏無畧、暇及進膳、未嘗揀擇、被服亦隨宜、雖親布紵、人不以為非天子也、而若輩驕淫、問南城時不知若何過來、今天下生員年四十以上者、考選送國子監。

天順六年壬午春三月、調鎮江知府林鶚於蘇州、秋八月、內閣呂原艱歸卒、贈禮部侍郎、謚文懿、九月、皇太

后孫氏崩。謚孝恭章皇后。太傅吏部尚書王直卒。贈太保。謚文端。是年泰山震。詔東宮選婚。

天順七年癸未春二月會試場屋火。改期。以錢皇后言。追謚宣宗廢后。靜慈仙師胡氏為恭讓章皇后。是月晦夜空中有聲。李賢密奏無形而有聲。謂之鼓妖。官不恤民之微也。因疏十事。帝皆從之。又謂罷所造緞疋及磁器。清錦衣獄。止各邊守臣進貢。并止下番所遣使臣。停中外採辦買辦。上不能從。左右恐上怒。為賢寒慄。賢曰。古之大臣知無不言。國家大利害。豈容默默。上終不以為忤。

秋八月。致仕少傅禮部尚書胡濙卒。贈太保。謚忠安。錦衣

都指揮門達、總督官旗緝事、蕪鎮撫問刑、權傾中外、惡指
揮、貪事袁彬、欲并中內閣賢、陰搆彬、數十陰事、以聞、逮彬
獄、會採漆、軍匠楊損一名於三法司、大言白彬及賢、釋彬、調
南京、事在袁彬傳、賢以所誣、既白、乞休、上曰、此細故、何足
介意、不許。

天順八年甲申春正月、帝不豫、意擬東宮、李賢以國本不
可動、扶皇太子、謝、讒言不行、既而大漸、命太監牛玉執筆、
口占使書之一、東宮即位、百日成婚、二定后妃名、分三、勿
以嬪、御殉葬、四言殯殮器服事、與玉付內閣潤色行、李賢
與陳文彭時警愴、因嘆曰、止殉、真盛德事、度越千古矣、十

有七日、上崩。

論曰、正統十年之前、誠孝孝慈、持之於內、閣輔皆賢、既
為治平、自劉球忤監振、缺政實滋、即非土木之變、帝業
不光、奈何再造、輒不忘王司禮、括竟而忠、旌之也、幸睿
慮清明、群小自敗、有感失步、從善不懈、至於禮遇孝莊、
追謚恭讓、悼念讓皇、友愛景帝、升遐治命、正分止殉、遂
使朝天之戶、列辟無聞、而久錮遺宗、俯仰適志、誠有矯
百代之積習、為獨見其仁惻者、嗟乎、遐莫可企及矣、或
疑蔣安之進帛、邨邨意本自帝、願實錄稱帝以景皇、稱
飲為幸、隨書邨王薨、以知監安希肯、非奉旨也、即不罪

安。願。不。聞。賞。安。可。以。想。兄。之。於。弟。有。大。過。弟。之。於。兄。者。矣。

[Faint bleed-through text from the reverse side of the page, including characters like '兄', '弟', '過', '賞', '願', '聞', '不', '可', '以', '想', '之', '於', '有', '大', '過', '弟', '之', '於', '兄', '者', '矣']

罪惟錄帝紀卷之九

憲宗純皇帝

憲宗繼天凝道誠明仁敬崇文肅武宏德至孝純皇帝名
 見深母周貴妃生時紅光灼灼廣額豐頤威容如神初以
 皇太子侍皇太后坤寧見廢後辟後仍冊東宮時以二月
 乙亥即皇帝位必尊母賤氏為慈懿皇太后生母周氏為
 皇太后上大行皇帝尊謚以明年為成化元年釋原保泰
 政羅綺於獄逮錦衣都指揮門達戍南丹死謫所表歸後
 原職傳陞匠役姚旺為文思院副使後前御史楊瑄張鵬
 及備撰岳正等官兵部侍郎韓雍以他罪連及坐降放

罪惟錄
 卷之九

宮人三月補廷試并肅總兵宣城侯揚經巡撫僉都御史
吳琛討西蕃破之復定襄伯郭登爵鎮并肅尋提督團營
侍讀周洪謨上言人主守器之道三一聖學一內治一外
攘禁賜寺額廣賊陷陸川平安等縣戶部照磨黎獻奏兩
廣失事臣宜急正罪上從之四川賊趙鐸流劫銅陵及內
江漢川德陽等縣刑部司務朱貴奏陳賊勢上令給事中
章軒往視決策用兵

長四月欽天監奏日食陰雲不見下天文生賈信於獄分
命內臣十二人坐管監鎗戶部尚書年富卒以軒輓為南
京戶都御史尋卒禁匿名帖子五月葬大行皇帝於裕陵

編脩張元禎上三事勤學聽政用賢以郭明為南僉都御
史庚午上始御奉天門視朝哈密國王卒無嗣亂加思蘭
欲襲據之勅西番安定王選兄弟一人代主國事六月致
仕禮部左侍郎兼翰林學士薛瑄卒贈吏部尚書謚文清
秋七月立皇后吳氏南禮部侍郎章綸奏以明年行不聽
八月開經筵詔脩英宗實錄調兵部尚書馬昂於戶部
宣府巡撫李秉為左都御史陞巡撫陳恭為副都御史督
漕葉蓋為左僉都御史巡撫宣府脩屯易馬不數月脩廢
堡七百餘所吏部尚書王翱請致仕不許廢皇后吳氏謫
太監牛玉吳燾於南京后又俊成登州連京營總兵懷寧

侯孫鏗間住撫寧侯朱永代之九月免運軍應輸耗糧四萬六千有奇增京畿府州縣生員廩米

冬十月復冊王氏為皇后皇太后壽節禮部尚書姚夔率大臣建醮行香給事中張學建言非例上曰以後不許十一月勅四川巡撫王浩討賊議大征廣寇天城邊警南給事中王徽等列太監牛玉罪多所株連坐調判官都督僉事何洪討川賊戰死免宴賜節餞十二月上嬖奪門功紛訴不已李賢請復于謙等官而太平侯以下俱令奪爵上從之訴者始息以故逆監吉祥所沒安樂里為宮中莊田皇莊之設始此傳陸道士為真人并給誥命始民間合折

買馬匹法行天下、湔除文武犯贓以外罪名、正統十四年、
後立功者、俱不准贖、是年、鹵阿羅出結、亂加思、蘭、李羅出
結、毛里該、數寇宣大、延寧、延綏、恭將房能請搜河套、下部
議、擢東虎知縣、盛顯為邵武知府、

政化元年乙酉春正月、釋戍邊陳循、江淵、俞士悅等、及王
文子宗彞、于謙子冕、謙婚朱驥、還家、復謙故秩子冕、世襲
千戶、冕後改文銜、至應天府尹、李來貢使至二千一百餘
人、李羅赤貢使至六百六十餘人、泗城州土官岑豹攻殺
上林長官岑志威、奪印有其地、以都督同知趙輔為荊襄
將軍、僉都御史韓雍征兩廣蠻寇、川、廣三司俱充為事官、

立功贖罪。二月上行籍田禮。拂提衛都督進海青。却之。三月。以陳文為禮部尚書。擢布政使王恕為副都御史。撫治荆襄流民。內外鎮撫等官置買莊田店舖。後軍士養馬湖廣巡撫王儉言之。不問。上行釋奠先師禮。宴衍聖公及三氏子孫於禮部。

夏四月。減孔氏子孫田租三分之一。襄寧流民劉通數十萬人作亂。僭號於南漳。初錦衣千戶楊英奉使請行賑恤。以解散之。至是益熾。詔撫寧伯朱永尚書白圭討之。命襄城伯李瑾廣義相吳琮益兵征蜀。贈兩廣死事副使毛吉知縣王麒等官。時以餉餘經紀吉喪。言附僕婦言。須夏憲。

長。至。以。銀。還。官。毋。污。我。地。下。出。岳。正。興。化。知。府。張。寧。汀。州。
知。府。初。給。事。中。王。徽。等。劾。內。閣。李。賢。不。職。坐。謫。寧。倡。論。申。
救。又。有。忌。正。者。偽。為。正。彈。賢。文。會。尚。書。王。竑。薦。寧。與。正。李。
賢。却。之。二。人。竟。外。轉。竑。病。歸。五。月。添。設。戶。部。主。事。六。員。斬。
妖。人。趙。春。張。仲。威。等。四。川。賊。趙。鐸。伏。誅。六。月。草。平。戾。張。
瑾。為。錦。衣。指。揮。使。與。濟。伯。楊。宗。為。指。揮。同。知。定。光。祿。寺。每。
年。買。辦。牲。口。不。許。過。十。萬。菓。品。不。許。粘。砌。
秋。七。月。總。鎮。胡。貴。李。震。獲。賊。首。苗。彝。蝦。廣。賊。流。入。江。西。界。
監。生。廖。世。傑。率。土。兵。敗。之。賑。水。災。八。月。傳。陞。文。思。院。副。史。
李。景。華。為。中。書。舍。人。九。月。寧。波。太。守。李。瓚。列。市。舶。內。官。福。

住罪狀。勅戒之。禁陝西河。南取鑛。

冬十月。定學正教諭。用副榜舉人。留廖莊為刑部左侍郎。韓雍趙輔等大破大藤峽蠻寇。十二月。詔每年所旌節孝不以額。

成化二年丙戌春正月。復三大營舊制。二月。重修關里孔廟。成。是時。自屐犯河套。延綏及慶陽環縣。陝西大同保德。州花馬池等處。冊萬氏為貴妃。柏氏為賢妃。大學士李賢。外艱。詔奪情辦事。鎮守荆襄王信。擊走劉賊石和尚龍等。陞都指揮同知已賊復起。焚劫夔州。通判王禎陣死。論兩廣蠻寇功。趙輔封武靖伯。世襲。韓雍進左副都御史提督。

兩廣軍務陰一子置武靖州江淮旱人相食南尚書李賓
請開納粟入監之例以脩賑濟禮部尚書姚夔稱天以
貨爲贖也日何以資治上是之閏三月復順德知縣錢溥
爲侍讀學士銅鼓等皆作亂勅總鎮李震討之祭故少保
兵部尚書于謙有云先帝已知其枉朕心實憐其忠等語
聞者感嘆

夏四月湖廣苗合廣西孫種桀叔淑浦等處延綏紀功郎
中楊瓊奏延綏慶陽二境東接偏頭關西接寧夏花馬池
相去二千餘里宜依故副總兵黃鑑所議偏頭東勝沿河
西岸地名一顆樹等處至寧夏黑山嘴馬營等處共五十

二城營。七十三礮臺。東西不過七百餘里。較二千餘里。近
三之二。但隔一黃河耳。如是。可免套。鹵邊患。一勞而永逸。
下部議不果。行。五月。脩撰羅倫奏大學士賢奪情之非。降
倫福建副提舉。毛里該屯聚河套。以彰武伯楊信為平鹵
將軍。出延綏討鹵。陝西巡撫都御史項忠督其軍。六月。免
今年屯田子粒十分之三。反賊劉通伏誅。論功。撫寧伯朱
永進侯。李震封興寧伯。加尚書。白圭太子少保。
秋七月。鹵入寧夏。都指揮焦政等戰沒。入固原。再入延綏。
叅將湯胤績陣死。指揮同知秦傑戰却之。陞都指揮使。湖
廣兵破靖州苗。八月。進士周鑑以避選王府官。黜為民。斬

妖書惑衆者趙覽九月陞袁彬都指揮同知免太原大同秋糧改李秉提督遼東

冬十月科道交劾武靖伯趙輔欺玩諸罪不聽十一月朔

有露疑樹孝之灾賊石和尚龍劉長子歸馮伏誅時傳陞

光祿太僕尚賈等官益衆刑部員外彭韶以言事下獄平

鹵將軍信猷俘十二月瓦刺入貢少保吏部尚書大學士

李賢卒贈太師謚文達刑部左侍郎廖莊卒贈尚書謚恭

敏太常少卿薰侍讀學士劉定之直閣辦事太監韋朗失

機開原台還不問

成化三年丁未春正月切責建州毛憐等衛不許冒貢鹵

犯遼東、復深入大同、詔撫學侯朱永掛平胡將軍印、總京
營勦鹵、二月、毛里該三上書求貢、遣通事獎諭吏部奏起
王竑原任內、批致仕、以大同巡撫王越總理軍務、擒鹵首
長十二人、套鹵移犯寧夏、廣賊陷北流縣、韓雍遣兵破之、
銅鼓苗平、三月、復高輅兵部左侍郎、兼學士、召入內閣、復
羅綸備撰、調南京、疾歸、貴州都掌蠻作亂、破四川合江縣、
詔棄城、伯李陞兵部尚書、程信討之、准在京三品以上官
功績顯著者、蔭一子入監讀書、有志科舉者、聽封周太后
弟壽慶雲伯、或長寧伯、尋加世襲壽進侯、其諸子皆錦衣
指揮、頃兩家受奸民投獻、奏討庄田共七千餘頃、畝西征

次封左都督毛忠伏羌伯
夏四月、以故脫歡帖木兒外孫把塔木兒為左都督、權攝
哈密國事、重立十二營、改白圭兵部尚書、王復工部尚書、
四川前後地震、凡三百七十五次、十三道御史合奏、以風
霍地震災異屢見、請側身脩省、日御講筵、節無益之事、惜
無名之賞、帝頗事遊宴、故及之、達彛董山入貢、勅送之還、
令諭降部落、五月、大同禦鹵、却之、荆門訓導高瑤請、復郟
王、佐輝、廢子黎淳、疏駁之上、曰、景泰中、黎暉不介意、然卒
不果行、

秋七月、尚批御史章瑤、以僉都代項忠巡撫陝西、尋改太

僕少卿追封董仲舒。胡安國。蔡沉。真德秀。皆伯爵。吏部尚書王翱致仕卒。贈太保。謚忠肅。八月。以周洪謨為南國子祭酒。項忠署都察院事。廣西賊入化州。殺知縣黃智。董山留廣寧。魏武靖伯趙輔提督都御史李秉等討破。連彘。擄山等二百餘人。山伏誅。進秉吏部尚書。加太子少保。輔進侯。禽破開城。殺知縣于達。赦徙縣治固原。

冬十二月。令詞臣預作鰲山燈火詩。編脩章懋黃仲昭檢討莊景疏。諫杖謫外縣。給事中毛弘等力救。改懋仲昭南評事。景南行人司副。時遷官太速。或數月。即一遷。或一歲。教遷。其起自謫籍者尤甚。始壬子。二園營。擢山東布政使。

彭詔為工部右侍郎、尋改右副都御史、巡撫山東。
成化四年戊子春正月、朝鮮會討建彝、獻俘、厚賞之、免高
郵州三年秋糧、馬草、今有司採辦江浦紅土、免差內官、韓
雍破廣西賊、奏捷。二月、土連滿復反、搃石城、廷議、恐與鹵
合、令官軍急討之、失利、伏羌伯毛忠戰死、李希安以樂舞
生、歷官、加禮部尚書、預經筵、尋免、大破都掌蠻、平之、加程
信大理寺卿、襄城伯、謹進侯、都督羅秉忠、封順義伯、太監
錢能鎮守雲南、三月、增雲南布按官各一員、管銀場、禁外
戚乞田、著為令。

夏四月、天旱、罷修西山塔院、封西僧為大寶法王、及國師

二人賜誥命儀衛踰等齋醮無度大學士陳文卒禮部主
事陸淵御史謝文祥劾文不當與謚削其官尋復也五月
仍復學較附學生六月免江西秋糧遼東巡撫張岐為軍
士所訐坐除名初彭韶嘗論岐倖進至是御史謝文祥等
并論尚書姚夔舉用之失詔下文祥獄降南陵縣丞慈懿
皇太后錢氏崩帝嫌于生母周太后詔別卜陵寢大學士
彭時以為必合葬祔廟如禮禮部尚書姚夔等贊之帝意
未決時率百官痛哭文華門伏地不起聲聞內度帝感動
母后亦悟得許同葬裕陵謚孝莊皇后
秋七月命副都御史項忠都督同知劉玉出捕滿俊尋起

馬文升巡撫陝西以撫寧侯朱永代王俊就擒餘黨悉平
上恤刑親覽獄囚多所平反九月彗星見時萬貴妃擅寵
兄弟皆顯官侍郎萬安劉吉附之頗震耀群臣執災異以
諫不聽於是彭時請大臣引咎乞休不允止令馬昂致仕
時上書請修省且曰官中宜正名分均恩愛以廣繼嗣追
回西天竺僧所求田地言官林誠董曼胡洪等十人再劾
商輅姚夔程信不職兼追論景泰中易儲事下誠等獄杖
之輅力為誠請上復其官加輅兵部尚書劉定之禮部右
侍郎揚鼎戶部尚書刑部郎中彭韶陳四事首論正家之
法馭宦之術不報給事中魏元條奏時事力言內寵宜節

果州縣
外教宜房上是之

冬十一月南科道會劾侍郎章綸王恕范理府尹畢亨少
卿金紳等以繁事不清命侍郎葉盛給事毛弘往按之十
二月贈朝鮮國王李瑋謚莊惠定簡贈死事通判王禎王
麒為同知知縣李珏為通判改寇延綏定簡除保舉官員
例

成化五年己丑春正月論平滿俊功擢劉玉左都督項忠
右都御史太監劉祥加歲俸罪失机寧遠伯任壽廣義伯
吳琮都御史陳介俱謫成却指揮使劉清及守備馮傑棄
市考緊給事中蕭彥恭等劾吏部尚書李秉十三罪落東

太子少保致仕秉剛介不阿前祭酒陳鑑作詩送之有云
古道自無三黜愠弃臣又見一番歸之句彦莊等下獄二月
生員步等免充吏發為民衍聖公知緒有罪逮問道免控
拮坐削爵賜出州主知府岑鏞誥命上官誥命自此始閏
二月致仕南京左都史印石璞卒興化知府岳正致仕三月
入河套

夏四月以葉盛為吏部侍郎後前戶部尚書蕭鎡官械真
人張元音下獄磔之贈故祭酒李時勉禮部左侍郎謚忠
文賜故左僉都御史楊信民謚恭忠故刑部尚書耿九疇
謚清惠祠元臣賽典赤於雲南禮部左侍郎萬安附萬貴

妃稱一豕晉學士直內閣六月改姚夔吏部尚書

秋七月定番僧三年一貢八月侍郎大學士劉定之卒帝

復經筵視午朝九月下刑部郎中彭韶於獄先是長寧伯

或與民爭田命御史黎福按之不得已沒民田七十四畝

稱為餘地或少之命韶覆視韶往一至田所輒報田皆民

有並無閒田奏民安則國安忤旨付錦衣言官交章釋之

冬十一月復總督兩廣於梧州以右都御史韓雍填之鹵

寇延綏及榆林諸邊定納粟世授軍職者止襲子孫二世

成化六年庚寅春正月鹵駐河套謀南侵總兵楊信嚴兵

討破之郊丹靈降於天壇松栢給事中郭鏗乞禁天下上

書獻瑞上曰朕未嘗以此為政置不問湖廣地震遣官祭
封內山川大同巡撫王越敗鹵延綏侍讀尹直等請錄諸
司職掌名曰大明彙典二月朝鮮國王李暉卒封其從子
契為王賜耽謚襄悼兆岷舊寇作亂千戶李盤戰沒遣侍
郎曾翬等六人往浙江河南江西福建四川大名等處考
察官吏訪求軍民利病其已設巡撫者一體行事祈雨南
鄧大風沙昏黥竟日三月以水旱免租湖廣山東鹵屢犯
廷綏撫寧侯朱永掛平鹵將軍印與巡撫王越擊敗之致
仕右通政使羅通卒編脩陳音上正學辟佛疏不報
夏四月詔右都御史項忠巡視順天河間永平災荒所活

二十七萬八千餘人、減各縣八貢之數、以孔弘泰、蔡封、封
聖公、仍國學讀書三年、齒屢犯宣大遼東等處、襄陵王冲
炆請率宗人禦、函止之、停造西山佛閣、

秋七月己卯、皇三子生、是為孝宗皇帝、時萬貴妃寵而如
帝行內藏、一幸紀妃有娠、貴妃譖上、謫居安樂室、及誕貴
妃與帝皆不知、惟吳廢后常哺養之、八月、定科目、出身庶
任三年者不限內外、通選御史、御史楊守陳言六事、首請
改御長王謚、套爾阿羅、未求貢、函首字羅渡河、與之合、
冬十月、免租、河南山東賑饑、右都御史項忠、總督楚豫軍務、討
襄陽賊李胡子、復大學士陳循官、賜祭、禦套、函功、撫寧侯

朱永世襲王越右都御史尋又破鹵鹵退致任工部左侍郎
霍瑄卒瑄常守大同精幹理惜不盡其用
成化七年辛卯春正月發太倉粟減糶利民許在京五品
以上管事官科道掌印官各舉所知一人不為例南御史
沈源請核南守備軍士虛額忤成國公朱儀屬太監安寧
掖訊調外陞布政余子俊副都御史巡撫延綏懷寧侯孫
鏜卒定長運法二月後九江蘇杭三府鈔關添設三主事
抽分竹木三日封劉聚寧晉伯乙酉後御經筵午朝封琉
球世子尚圓為中山王
夏四月以陝西延綏兩巡撫馬文升余子俊請築邊牆自

邊營起至鉄鞭川、自礫極酷嘉善知縣林弘於市五月、中

清水營起至花馬池、書舍人呂憲乞應順天鄉試、從之、陝西妖人李奉先伏誅。

寧化王羨壤、宮人高氏、崔氏自縊、殉王、追封夫人。

秋八月、賑水災、浙江存問尚書魏驥、閏月卒、年九十有八。

謚文靖、追謚故學士宋濂曰文憲、獄囚請寬者、聽改調別

問。九月、浙海溢、遣侍郎李顯致祭、脩堤岸、置榆林衛、常州

府增設靖江縣。

冬十月、奸人丘弘敏通番、詐稱朝使、伏誅。十一月、立皇子

祐極為皇太子、母昭賢妃、荆襄賊李胡子伏誅。己卯、上以

彗星見、入紫微、歷祀帝星、北斗、正晝猶見、避殿撤樂、群臣

各疏政事缺失請上時召大臣面議政務上乃一御文華
輔臣彭時等為內監所絀止言天變及減京官皂隸一二
事欲俟再召盡言之萬安竟叩頭呼萬歲出自是不復召
見彭時上脩德安民七事上嘉納之諭德謝一夔上珥天
五事正官關以端治不親大臣以詢治道開言略以上怒
尔之决壅塞慎刑罰以廣好生謹妄費以足財用侍
葉盛親視之奏駐收耕種皆非便止宜增兵守險以為遠
圖上從之

成化八年壬辰春正月以星變免朝賀郊免慶以宴廣西
孫賊黃公剛等掠賓州等處皇太子薨謚悼恭

夏四月、增築大同沿邊諸堡、定襄伯郭登卒、五月、武靖侯趙輔、總兵與右都御史王越討套、酋亂加思蘭、總督韓雍攻忻城、八寨、破之、封占城國王、藥羅陀全。

秋七月、山吼地震、海漂死三萬八千餘人、酋深入環鹿、原等處、巡撫馬文升敗酋、賸逃、逐北擒其平章、鐵烈、和命、薰、節、制、三、邊、九月、勅安南勿侵占城、脩陰善寺、內旨工匠三十人、為文思院副使、寫碑、官為尚寶司、少卿、工科都給事中、王詒等極諫、請追寢前命、以慎名器、以正國體、不久、酋復寇韋州、深入、文升設伏、湯羊嶺、誘敗之、勒石得勝、城紀功。

冬十月武靖輔有疾詔寧晉伯劉聚代之減光祿寺供應
十二月破鹵寧夏

成化九年癸巳春二月免租武昌太原大同吏部尚書姚

夔卒贈太保謚文敏寧晉伯劉聚巡撫王越屢破套鹵加

聚世襲越陞副都三月賊雲南銀課十之五塞外野燒遍

山陵發官軍萬人過之互風延出西北

夏四月帝頗耽外國玩好下部索宣德中王三保西洋水

程急車駕司部中劉大夏入庫匿之不可得事卒已土爾

番速檀阿力侵哈密據其城虜王母金印詔都督同知李

文若通政使劉文傑規復哈密三衛結女直屢犯遼東擊

破之上御西苑、召諸將騎射、中三矢者止、四人至、有不能開、方執矢墜地者、切責、總管朱永

秋七月、免秋糧、彰德、復設江南勸農官、副都御史

王越、廢被套、始出套、後破、始出套、於常州、給事

中韓文、王詔、梁璟等劾王越、邀功啓募、詔陟宮禁、建訊得釋

冬十月、自花馬池、復入陝西、十一月、再閱射西苑、諭內

閣、依朱熹、凡例、纂采元續、網目通鑑、免糧、職重、脩南京靈

谷寺、勅邊軍、衆寡懸、雖失利、不罪、反走者、咥、失機、

成化十年、甲午、春正月、左都御史王越、駐固原、總督諸路

兵馬、總督三邊、始此、重給采顏、衛印、敗、於遼東、旌岷府安

昌王膺輔孝行旌王府例始此三月起致仕右副都御史
林聰掌南京都察院時廷臣率尚絨嘿以悅權倖聰令諸
御史得盡言或以故事尤之聰曰已不能言而又使人
不言哉吏部左侍郎葉登平諡文莊免租鳳陽七衛一縣
子糧湖廣七府武昌等十一衛賑飢東
夏四月太原平陽西安等五府太監張敏死其侄苗太常丞盡上敏家產求陞侍
郎上曰苗承差出身豈宜預執政其與南通政使五月追
贈寧晉伯劉聚為侯伯贈侯始此六月武靖侯趙輔世襲
伯爵旌韓府襄陵王範址孝行免租潮州南閏六月延綏
巡撫余子俊奏邊牆成延亘幾二千里晉右都榆林遂興

寧夏其肅稱三重鎮而延綏從鎮榆林

秋七月刑部尚書王概卒概初按察河南衆無留牘獄無

冤詞勅初襲職公侯伯煎駙馬俱送國子監讀書止遼府

毋殉葬八月仇加思蘭擾邊都督同知趙勝督兵禦之

入宣府薊州六入遼東大同九月免租南蘇松等四府河

冬十一月復邸王帝號謚恭仁廟定景皇帝改左都御史

項忠為刑部尚書尋改兵部太寧縣逃民張蓬頭殺署縣

事驛丞曹彥莊為亂總督兩廣右都御史韓雍致仕雍在

鎮十年威震百蠻時有誣以不法事劾處雍遂引疾十二

月罷寶慶府及遼東黑山淘金時金場二十有一失不償

得夫役之傷於虎狼陷於沉溺者無算詔以有司贖罰補
額閉金場錄妖書名目榜示天下使民不惑爾寇榆林

成化十一年乙未春正月大計吏浙江奏議爵珍南昌知

府王詔內批留任部院再疏黜之勅陝西巡撫馬文升總

制各路兵馬二月南京兵部尚書程信疾歸閉銀峒河南

等衛及入大同拒却之三月少保兵部尚書文淵閣大

學士彭時卒謚文憲

長四月侍郎劉翀劉吉俱兼學士入直內閣五月清理營

軍虛額自立團營餉至皇于於西宮即孝宗皇帝生

母紀氏初畏萬貴妃匿西宮年六歲矣帝不知也門監張

敏間露之上喜親定名祜程令文武大臣謁見文華門敏
 復厚結昭德主宮段英聞於萬貴妃貴妃恨佯具服進賀
 厚賜紀氏擇吉詔皇子就昭德宮無視徒紀氏於永壽宮
 立為妃敏懼中變使人諭內閣亟請冊為皇太子尚未得
 命商輅獨疏請紀氏就近居住皇子無往昭德宮遂母子
 之至情慝朝野之公論上乃以祜擅名書於玉牒六月皇
 子生母紀貴妃暴薨帝不能問贈恭恪莊僖淑妃殮葬如
 宋宸妃故事皇子哀慕深自歛晦獎襄陵王冲妹女清澗
 縣主并孫輔國將軍微錢婦王氏孝行免租及江北府
 秋七月采顏三衛援舊例請開市不許八月鹵滿都魯亂

加思蘭入貢、閉秦州銀鑛。九月、定擬銅錢折俸例、降襄垣王仕壘等為庶人。

冬十月、定國子監生科貢及納粟兩途分例。撥歷十一月癸丑、立皇子祐、擢為皇太子。大赦。命復都督府齊、魯、韓、魏、燕、南諸國。

成化十二年丙申、春正月、都御史原傑請湖廣置鄖陽府、轄湖廣及陝西河南三省、設撫治、都御史於鄖陽、統治之。并設行都司衛所。詔可。兵部尚書白圭卒。謚恭敏。二月、給獄囚藥餌。減內府供用物料。鹵首滿都魯自稱可汗。仇加思蘭自稱太師。三月、申荆襄流民入山之禁。夏四月、京師旱。五月、傳陞工部侍郎萬祺為本部尚書。設

大司四衛儒學。六月通惠河成。趙王見濟有罪，削官帶，給祿米三之二。

秋七月癸卯，皇第二子生，是為興獻王。宸妃邵氏出京師，黑青見滿城，夜喧，帝御奉天門視朝，忽侍衛驚擾，丙班大宣，不知何以帝起。太監懷恩按之，有頃，突帝以災異，製祝文，即禁中祭告天地。八月，承運庫歷事監生袁慶祥極言買辦寶石之弊，杖五十，遣還監中。後舉進士，擢北宮玉皇祠。土魯者，速檀阿力，後永入貢，願奉歸金印。九月，妖人李子龍伏誅。子龍以術誑惑愚民，將起真定為太監黃賜所發，設西廡命太監汪直訶事，事無大小，即方言諂語，無不

以聞靖州苗平封總兵李震與寧伯副都御史劉敷而下
各陞賞有差以周洪謨議增文廟籩豆侑舞之數如天子
冬十月傳陞監生儒士等官十餘人冊貴妃萬氏為皇貴
妃邵氏為宸妃南京禮部左侍郎章綸致仕十一月密論
吏部傳陞官勿復補奏鑄冷密樹印給都督慎宇十二月
傳旨陞倪謙南禮部尚書錢濤南吏部右侍郎仍任國子
祭酒秩馬文升議造遼東浮橋懸舟鐵纜橫魚水上以便
東西應援

成化十三年丁酉春正月免租

浙江山
東河南

日奉入貢二月寧

王奠培樂安王奠壘有罪革祿米半並代府靈丘長子仕

授孝行閏二月禁傳報旨意

夏四月、災變頻仍、京師旱、時為西敵所誣、坐累者最夥、禮部郎中樂章行、張廷綱、使安南、遂、咸、坐、賀、易、革、為、民、大醫院判蔣宗武、浙江、右、布、政、使、劉、福、起、後、並、贖、還、職、福建東揚孫都指揮楊畢、直、誣、指、不、執、窮、索、畢、匿、親、中、書、董、與、連、與、復、連、與、叔、兵、部、主、事、任、偉、備、極、五、毒、卒、無、實、畢、與、其、父、泰、並、死、獄、籍、其、家、任、偉、與、調、外、通、判、連、任、偉、之、從、弟、任、做、亦、調、外、御、史、黃、本、奉、使、還、搜、得、象、笏、等、物、革、為、民、刑、部、郎、中、武、清、勘、事、廣、西、還、被、執、嚴、訊、無、所、得、不、以、聞、五、月、大、學、士、高、格、兵、部、尚、書、項、忠、偕、九、卿、極、論、西、廠、之、害、并、直、訴

直與錦和百戶常璠等過惡帝立罷西廠直還本監璠發
還衛差操礦後以誣緝事棄市以河決免被火州縣稅糧
并免鳳陽等衛子粒內旨直黨吳綬為鎮撫司理刑兵部
尚書項忠乞歸許之尋誣坐忠他事連鞠黜為民子錦衣
千戶綬調九溪衛差操六月以御史戴緒王億之奏復設
西廠大學士商輅乞歸加少保致仕

秋七月賑

京師山免租建長沙雲南鎮守太監錢能私通

安南巡撫都御史王恕疏劾之即勘改恕南京學院給事

中趙侃劾戶部尚書薛遠兵部侍郎滕昭馮臚卿揚宣南

工部侍郎程萬里四人皆致仕此為拾遺之始南吏部尚

書崔恭致仕、召陝西巡撫余子俊為兵部尚書、南石都御史林聰為刑部尚書、恭政秦紘為倉部御史、巡撫山西、掌通政使工部尚書張文質為西廠所執上聞特釋之、八月、遂黜罷官吏之居京師者、九月、京師地震、南禮部尚書倪謙自陳致仕、重災地方、取回清軍御史、

冬十月、命四川巡撫張瓚討松潘叛蠻、兩淮饑、暫免徵脩、用馬、十二月、王越自陳紅鹽池功、加銜兵部尚書、南刑部尚書周璫滿四考、致仕、太原奸民桑冲、以婦人裝、術誘良家、事敗、党七人、咸伏誅、暹羅國來貢、兵部郎中陸容、出印馬、廉訪其弊、時新樂縣民所受牝馬、歲不受子、名飄沙、九

年累賸六駒矣容請改給不果

成化十四年戊戌春正月宥錢能通安南罪免租鳳陽壽州等衛

河南杭州等府二月鹵犯遼東皇太子出閣就學典璽局內監覃

吉馬寧功多罷朝天宮工役加萬安吏部尚書謹身殿大

學士劉翊劉吉皆太子少保文淵閣大學士吏戶禮尚書

尹旻楊鼎鄒幹俱太子少保遼東巡撫陳越總兵歐信襲

殺建州彙二百餘人三月簡儒臣充東宮官改南右都御

史王恕為兵部尚書贊機務妖人陳廣平伏誅閉烏撒衛

銀峒復開遼東廣寧馬市致仕翰林脩撰羅倫卒後謚文

毅起僉都御史高明巡撫福建未幾致仕免浙江收買花

本

夏四月、免租、山東遼東揚州五月、內旨尚寶司少卿戴縉

為僉都御史、協院事、六月、勅馬文升會陳鉞招撫遼邊、越

奏破鹵、太監汪直出遼東、置邊務、英國公張懋請止圓

通寺脩造、不允

秋七月、江西奸人楊福貌、太監汪直自蕪湖、歷浙、閩、忠、成、福

事、敗、伏、誅、後趙玉見潯爵、北直免租、湖廣赦私鑄人死

罪、八月、戊申、蚤朝、東班有甲兵、警衛士皆警、露刃、推問、莫

能、得、應、天、巡、撫、牟、俸、侍、讀、學、士、江、朝、宗、忤、巡、撫、陳、越、為、汪

直、所、構、詔、獄、鹵、數、入、宣、府、遼、九、月、陞、御、史、戴、珊、為、陝、西、副

使督學、擢嘉興知府楊繼宗為浙江按察使、例遣御史三人出良鄉固安通州捕賊

冬十月、追降韓府漢陰王徽、錕為庶人、坐謀取他人子受封、妃父周恂磔於市、法王國師死、聽自墓、免官給總督都御史朱英與總兵平鄉伯陳政爭坐廢總督既而復之、傳陞鴻臚卿施純禮部侍郎仍置鴻臚寺

成化十五年己亥春正月手敕尹吳進太子太保河患遷

榮澤縣治外戚都督同知錢雄平特贈會昌伯二月免

租湖廣山東廬州揚河令南工部革開國功臣墳墓各

省盡設鎮守太監

夏四月，傳陞聽選官李孜省太常寺丞，改上林苑左監副。

右都御史韓雍卒，整飭遼東兵部左侍郎馬文升下錦衣獄。

文升每節制巡撫陳鉞鉞諳直禁鐵器，鑿邊諫戍重慶衛。

特加工部尚書萬祺太子少保祺起吏胥所勦柴炭之後。

驟居保傅，廷臣無有諫者。國亂，加思蘭為所部，亦思馬因。

所殺，代為太師。陞御史屠瀟為僉都御史，王濬為南僉都。

御史，加僉都御史戴縉為左副，貴州、雲南叛蠻皆平。以縱。

放軍士下京衛等經歷二百四十九人於獄，却國大同。

秋七月，太監直行遼，三衛以酋首已死，乞入貢，開市不許。

酋犯遼東，九月，致仕南京兵部尚書兼大理卿程信卒，謚。

襄毅貴州苗叛

冬十月、戶部尚書楊鼎、工部尚書王復、兵部尚書薛遠、南
吏部侍郎錢溥、咸為科道官所公訐、鼎溥等致仕、勅朝鮮
國王李瑛夾擊建彛、徙延綏安邊營於中山坡、傳陞僧繼
曉、左覺義、巡撫陳鉞等襲建州。女直時鉞等附直、虛張邊
警、直請出撫寧、疾朱永。總兵而鉞參贊軍務以貢使頭目六
十人為窺伺殺之。去殺老弱、掘枯骸報捷、積儲一空、加永

保國公陞鉞右都御史。右監丞藍榮等陞賞有差、閏十月、革

華陽王申鏗兄弟爵會。昌侯孫繼宗卒、贈鄰國公致仕、南吏

部尚書書崔恭卒、召陳鉞為戶部尚書。

吳州新
卷之二
成化十六年庚子春正月

月、太監汪直、尚書王越、保

國公朱永

督兵

赴

延綏、襲威寧海

子、爾無備、斬獲無算、

令所在下

馬先師廟門、爾入寧夏

却之、封王越威寧伯、

世襲寧院督

團營如故

夏四月、擒田州叛苗黃

將江、

寨就平、寢侍郎周洪謨

所纂疑辯錄、免租

南、湖廣、河、福建、

申存

恤

孤老之令、爾犯薊州、六

月、遼東巡按御史強珍奏、陳、賊、啟、蒙、邊、奪、賊、俸、一、年、都

給事中吳源、御史許進等、遂交章、賊、得、嚴、旨、賊、疑、掌、院、王

越、所、使、逮、珍、拷、主、使、不、承、成、邊、坐、源、進、等、奪、俸、平、江、知、縣

宋鑑、典、史、張、澄、捕、賊、見、殺、贈、鑑、并、州、通、判、澄、本、縣、主、簿

本葉前有闕文

購買寶石免租遼東湖廣陝西河南太原畿二月、性報捷

人汪鉉都督餉事鉉直之從子也命汪直總鎮宣大專鎮

大同鹵入開原巡撫山西何喬新敗鹵於仄溝三月後罷

西廠言官頗以既設東廠則西廠宜可以已閣臣萬安拉

同官劉珣言之珣不從安乃獨奏得允逮妖人王成下獄

臣初以奸盜受刑折脛復習一術與太監王敬奉命採藥

所至縱暴橫索無度兵部尚書王恕發之敬克淨軍棄臣

於市傳首江南

夏四月兵部尚書陳鉉免都督馬儀劾賊貪身弄權誣陷

御史強珍侍郎馮文升以并陷御史王崇全謀報後并

及其子錦衣千戶澍冒濫之罪。上免。鉞勘問。令致仕。而坐儀閣。任澍調永平衛帶俸差操。罕慎。合兵破牙木蘭。復歸哈密。賜勅。獎諭。旌貴州。上官妻適由貞節。令考察。毋及內官。出守者。連敗。幽遼東。延綏。宣大等處。

秋七月。許。珠池。太監。韋。勛。捕。盜。杖。脩。練。人。李。文。昌。發。還。奉。州。九月。遣。郎。中。四。人。出。賑。濟。災。傷。地。亦。禁。中。都。守。僕。內。臣。擅。斷。民。事。倉。副。使。應。時。用。陳。六。事。內。云。饒。州。燒。造。宜。歸。有。司。馬。快。船。擅。絕。私。貨。宜。巨。處。以。交。言。下。獄。閏。八。月。刑。部。尚。書。林。聰。卒。謚。莊。敏。

冬。十。月。取。太。倉。銀。四。十。萬。入。內。庫。十。一。月。傳。奉。太。帝。鄉。禮。

部左侍郎劉芳為本部尚書通政李孜省分獻郊祀十二月降慶成王竒澗為庶人切戒諭晉王

成化十九年癸卯春正月唐事彭華在中允周經進講東宮皇太子每起立拱聽內閣萬安謂講官宜跪請坐聽華經持禮不從安議起項忠兵部尚書致仕三月南京禮部侍郎章綸卒大同副總兵周璽力禦鹵亦思馬因於懷仁進都督僉事平大掌壩叛番擢職方郎中劉大夏為福建右叅議

夏四月謫陝西巡撫鄭時為貴州右叅議時在秦中多惠政時太監梁芳導上淫巧致傳奉官數十人李孜省繼曉

皆其所薦。時遂工保國。如民五事。詞多切直。大率指斥監
芳等。既請。陝人哭送境上。如失父母。封朝鮮世子李愷。五
月。函入大同。汪直請舊遣官頭目禦。不果。六月。調鎮守
大同。太監汪直於南京。御馬監直挾權驕肆。工以不厭之。
會與總兵許寧不協。巡撫郭鏗奏聞。帝遽遠之。
秋七月。丹蘆道士高宗諒等革職。遣歸。函犯大同。戰失利。
旋入潭。涼州等處。及紫荆。鴈門關。巡撫秦紘。邊鑛。總兵周
玉。叅將支玉。互擊之。退去。八月。獲降南京。御馬監太監汪
直為奉御。時御史徐鏞等劾直結黨挾權。羅織中外。誣戕
貢。彙致。開邊。勞。無。報。功。次。傾。賞。賚。與。陳。鐵。王。越。等。虛。張。

鹵勢潛出劫搜。因而冒陞官爵者至數百人。鹵懷報復。連年擾害。軍民橫罹鋒刃。糧草所在。缺之罪不容誅。詔三法司會訊。降奉御南京。共黨威寧伯王越。革職。追詰券。編管安陸州。錦衣指揮使吳綬。謫戍。兵部尚書陳鑑。南工部尚書戴縉。並除名為民。太監尚銘。初因直以進。繼傾直。卒以罪充淨軍。馮文升。項忠。強珍。並復職。文升巡撫遼東。却爾宣大及代州。工部右侍郎張順。致仕。九月。傳陞上林院錄事。邵義為蕪州府通判。右覺義繼曉。請旌母朱氏孝行。許之免勘。毋係娼家女。傳陞右通政李孜省為右通政。右都御史李裕及副都屠瀟。追劾太監汪直坐奪俸。

冬十月科臣王瑞等道臣張授等極言傳奉之弊有曰未
流賤技多至公卿屠狗販繒亦居清要有不識一丁而濫
叨文職有不挾一矢而冒任武官報聞降李汝省于寶凌
中等官劉均等九人黜回原籍尋後留之傳陞僧錄司繼
曉為左善世惠昇右善世十一月東安王見滇狎家奴吳
安童欲賊正妃詔切責王令戴民巾讀書安童棄市十二
月旱無雲詔如傳奉官十餘人翌日大靈時帝頗以梁芳
不協公論言官因禱雪不應文章論芳上諭吏部今後內
旨除官不論有無勅書俱覆奏明白後行即日呂吏部降
四人黜九人下六人於獄皆逃卽軍囚者徵廣東鄉薦陳

獻章為翰林院檢討。旋乞終養。許之。

成化二十年甲辰春正月。御史徐鑛何琬以地震。違京晁

遠請罷慶成宴。帝以為故事。鑛等妄言獄訊。調外縣大祭。

黜三千五百餘人。免租。大同延綏淮南慶陽太原等府山東河南二月。余子俊

以兵部尚書總督宣大。督邊墩。尋節制山西。鎮撫。三月。處

士胡居仁卒。

夏四月。却鹵山西。擢浙江按察使楊繼宗為副都御史。整

飭永平山海及順天等處。重建象山書院。祠陸九淵兄弟。

五月。致仕尚書周瑄卒。起馮文升左副都御史。巡撫遼東。

召兩廣總督朱英還掌院事。尋加太子少保。以太監陳準

代尚銘提督東廠準令其下曰大逆吾非此有司事也
勿預之有非其罪而被籍沒者下準準不忍遂巡累日
整衣冠自經

秋八月工部司務高鳳以星命得傳陞本部員外郎九月
爾後入河套尋復入宣府

冬十月建大鎮國來昌寺下刑部員外林俊及後軍都督
府經歷張徽於獄奸人繼曉既以媚道得倖穢亂宮中賜
女賚金寶無算至是放徽寺西華門科道官莫敢言俊獨
抗疏陳繼曉及果芳諸惡上怒收俊徽復上書訟俊并訟
獄帝意頗不測太監懷恩加諍帝以為古未有殺諫官而

天。下。治。者。上。怒。甚。于。御。視。擲。之。懷。息。哭。地。不。起。扶。虫。上。心。
動。傳。諭。鎮。撫。司。俊。死。若。輩。不。獨。生。于。是。俊。得。不。死。各。杖。謫。
俊。雲。南。姚。州。判。官。徽。降。師。宗。州。知。州。罷。雲。南。銀。坑。封。皇。后。
弟。王。源。瑞。安。伯。傳。加。吏。部。尚。書。尹。曼。太。子。太。傅。及。七。尚。書。
一。都。御。史。皆。太。子。少。保。十。一。月。鹵。入。宣。大。賑。陝。西。西。度。僧。道。
七。萬。人。赦。以。不。術。逃。者。張。善。吉。復。為。兵。科。都。給。事。中。令。考。滿。
官。員。納。粟。脩。賑。免。其。赴。部。給。由。以。品。差。亦。令。生。員。納。粟。入。
監。脩。賑。令。天。下。數。災。預。備。倉。不。足。補。之。左。善。世。繼。曉。乞。歸。
養。與。空。度。謀。五。百。道。諭。毋。終。後。來。供。職。萬。金。衛。百。戶。韋。瑛。
伏。誅。瑛。初。以。直。黨。外。調。至。是。自。撰。妖。言。誣。坐。劉。中。興。等。十。

餘人上曰、初罪已不赦矣。

成化二十一年乙巳春正月甲申朔、有星變、火光上騰、聲如雷、勅群臣修省。工部主事張吉、中書舍人丁璣、進士教毓、元合、詞以天變、並歸罪。改省繼曉、所致留中、尋以他事坐吉等皆謫。外戶部主事周軫、兵部郎中崔陸、蕪章、復疏星變、以為宜急誅元惡、不宜閒處。王恕、南京疏中、頗及宮闈秘密、不報。御史姜昂、益疏論收省奸惡、帝怒、杖之、因通書言者名六十人於屏、行次第議處。已而帝悟、詔復林俊、張黻、原官。傳陞官二千餘人。著察寃定奪赦天下。郊免慶成宴。遣官賑山陝河南。時御馬太監王敏袖草謂太監懷

恩欲令馬房傳奉不復動恩怒曰天之示變專為我輩今
甫欲正法若後亂之為敏恐不敢復入言會章謹以寶石
幸乞鎮撫仍命恩傳旨恩不奉詔上怒曰恩乃違我恩曰
非敢違命違祖宗法萬死上別命章懷傳之恩諷尚書余
子俊具奏而已從中持之子俊不敢恩嘆曰安得玉怒不
尚尚書已而怒疏果至請復林俊等以如天下罪建寺以
理兵荒是時閣臣萬安劉吉等畧無匡救京師有紙糊泥
塑之諠諠曰紙糊三閣
老泥塑六尚書二月却角延緩丁卯月當食不食治
欽天監官罪三月地震風霾晝晦風雹殺千人諸災異不勝
數河南大飢時椒覆漸繁帝頗有易儲意欽天監奏泰山

震動。應在東宮。得喜乃解。帝驚意遂已。

夏四月。甲。游女之禁。免租。山東陝西四川蕪常設法賑濟。

抽分杭州。荆州。蕪湖。竹木。五月。停買。擲子。給京師流民米。

六月。定武臣納粟。許子孫襲職例。贈死事。贛州府同知王

廷桂為叅議。

秋七月。總督余子俊築宣大偏頭諸墩。右都御史朱英卒。

陞都督御史屠鏞代之。八月。以韓府群牧所千戶朱政家

世壽致羊酒。九月。大學士劉珣致仕。刑初論直。再論致首。

為同官萬安劉吉所傾。致假俳優以中傷之。

冬十月。傳奉官降黜者。後進。加南魯湖廣按察使。仍廣東。

兵備十一月廣東布政使陳選奏大監韋眷有通番之罪
奸民葉紀專發骷髏頂骨為椀及素珠誅之詔詹事彭華
為吏部左侍郎兼學士入閣辦事華以黨葛安得進僉都
御史高明卒

成化二十二年丙午春正月免租

江南湖廣應天陝西二月

坐總督大同尚書余子俊修邊濫費落太子太保致仕以
李汝省薦手勅南侍郎尹直為吏部右侍郎兼學士入閣
辦事三月平陽蝗

夏五月凶寇大同入宣府亦入涼州再犯遼東罷吏部尚
書尹旻其子翰林侍講龍為民以工部尚書耿裕代旻先

是季攷省託言神降有江西赤心報國字樣因是父子不
檢、恊、擠之而進裕、裕籍江右於是起劉泰為右都御史謝
一、獲為工部尚書劉宣為吏部侍郎黃景為禮部侍郎皆
江西人唯盱江何喬新不與黨六月陝西旱鼠食禾稼允
九十五州縣武靖戾趙輔卒

秋七月致仕少保吏部尚書大學士商輅卒謚文毅廣西
徭叛殺二千戶侍講焦芳以尸龍連及降桂陽州同知八
月李汝省構降江西巡撫閔珪為廣西按察使復構洗馬
羅璟為南禮部員外傳旨陝西巡撫鄭時降外奏政九月
以梁芳請復建大永昌寺允南兵部侍郎馬顯致仕即顯

疏批王怒奪太子少保。致仕。怒以傳奉。後進請。上信。詔令
忤旨。工部主事王純。免。怒。逮獄。外謫廣東。左布政使陳選
道卒。選忤市舶太監韋春。被誣。入訊。士民數萬人。號哭。板
留不得。病卒。南昌之瓜亭寺。并連番禹知縣高誥。請成傳
旨。改右都御史屠濬於南京。起致仕都御史劉敷代之。
冬十一月。僧道忒考試入選。占城國王罕古來為安南所
逼。奔崖州。詔撫恤之。傳陸左通政。改省為通政使。破鹵陝
西。十二月。追論橫州知州教毓元。傳旨。改邊方縣。丞。後召
余子俊為兵部尚書。還其太子少保。
成化二十三年丁未春正月。大察。增不及一例。汰三千九

百餘人。國子生虎臣疏諫萬歲山非登眺所。勿架棕棚。祭酒費闖慮得罪。輒伏鎖。臣以待。俄有溫旨。與臣官。臣聲滿天下。萬貴妃卒。上震悼。輟朝七日。罷慶成宴。妃擅寵威福。窮買採興。方術。以致啓兵構禍。逆天心。災幾致大亂。李汝省構遷。應天府丞楊守陳為南寧知府。後構轉編脩。楊守此為南侍讀。二月。冊張氏為皇太子妃。免租。陝西鳳陽徐州湖廣溫台安以鄉試卷文理乖謬。追奪考官。訓導黃奎等聘禮。加通政使。致省禮部。左侍郎仍管司事。鹵寇遼東。聞賊流入江西。殺廣昌知縣莊英。武城生員高謹為母訟冤。得直。初。謹母冤死。父及問官。咸得賄漏。殺母者謹自刎。不殊。聞於朝。

抵罪心

夏四月、上皇太后徽號曰聖慈仁壽、左府都督同知袁彬致仕、六月、系顏三衛為鹵所逐、遁入塞、給芻糧、賜靛青田、童子葉珠四歲能書、又端安張天保七歲俱入翰林院習字。

秋七月、冊皇子祐為興王、與岐蓋徐淮並日封、贈章綸尚書、蓋恭教補鍾同、謚恭愍、八月壬辰、金星犯亢宿、上不豫、皇太子文華門視事、大漸、皇太子諭以敬天法祖勤政愛民、太子頓首受命、戊子、帝崩、壽四十有一、論曰、災異之警、無有酷於此二十三年者也、宮中位一

女戎而群小相緣益進。或睡尊誘。顛倒黜陟。以致傳陞
 無已。監督四知閣輔阿循。厥衛披射。而帝又旋悟旋迷。
 嘉言罔入。邊釁首殘。幾無寧歲。天乃至仁。歷以所警。貫
 耳而呼。而其如溺柔。聽者襲不聞也。祇幸蠲賑免租。無
 少稽吝。指不致啓中原之憂。且內外寡大故。無所藉以
 起。幸稱小康。嗟乎哲婦傾城。色矣哉。

夏四月壬寅。大司馬。...
 蘇罪...